

摘藻堂四庫全書薈要

經部

欽定四庫全書蒼要

經部

周禮注疏卷十



詳校官原任侍講臣王燕緒

欽定四庫全書薈要卷一千八百六十三

經部

周禮注疏卷十

漢鄭氏注 唐陸德明音義 賈公彥疏

司徒之職掌建邦之土地之圖與其人民之數以佐

王安擾邦國注土地之圖若今司空郡國輿地圖疏

釋曰

司徒既欲佐王安擾邦國故先須知土地之圖人民之數注釋曰案漢蕭何收秦圖籍以知天下阨塞廣遠至後漢乃有司空郡國輿地圖輿者車輿其前牙曲地形不可正方故云輿地圖案職方亦云掌天下之圖注直云如今司空輿地圖不云郡國者彼以司馬主九畿并夷狄而言故不得云郡國此經云主人民之數則唯據

九州之中郡國在九州之內故此注云郡國也

以天下土地之圖周知九州之

地域廣輪之數辨其山林川澤丘陵墳衍原隰之名物

注周猶徧也九州揚荆豫青兗雍幽冀并也輪從也積

石曰山竹木曰林注瀆曰川水鍾曰澤土高曰丘大阜

曰陵水崖曰墳下平曰衍高平曰原下溼曰隰名物者

十等之名與所生之物音義

廣古曠反墳扶云反原本又作邐徧音遍雍於用反

從子疏釋曰上經云土地圖為人民之數而言之此經

容反云土地圖據十等土地而說也故云周知九州

之地域廣輪之數馬融云東西為廣南北為輪案王制

南北兩近一遙東西兩遙一近是南北長東西短謂知

此數也又辨其山林川澤以下十等形狀名貌及所出之物也注釋曰九州揚荆以下據職方周之九州而言

故有幽并無徐梁禹貢據夏以前九州故有徐梁無幽并也云輪從也者據南北義與馬同不釋廣者東西可

知云積石曰山者案詩云節彼南山維石巖巖鄭云巖巖積石貌鄭據此而言案爾雅山丘別釋則丘是純土

其山皆石亦有兼土者故曰石戴土謂之崔嵬又周語云夫山土之聚是其山有土也云竹木曰林者謂生平

地以其山林川澤別官故知竹木生平地曰林云注瀆曰川者案釋水云注川曰谿注谿曰谷注谷曰溝注溝

曰澮注澮曰瀆彼注云皆以小注大大小異名言注澮曰瀆者謂以澮中水注入瀆中使有所去此云注瀆曰

川者爾雅無此言鄭以義增之耳謂以瀆中水注入川案職方九州皆有川故知從瀆入川此瀆與四瀆義異

四瀆則亦川故職方云其川三江其川江漢也云水鍾曰澤者周語靈大子晉之言也云土高曰丘者爾雅山

丘別釋則丘無石者也云大阜曰陵者案爾雅釋地云
高平曰陸大陸曰阜大阜曰陵大陸曰阿可食者曰原
是陵與丘高下異稱皆無石者也其有石者亦曰陵故
左氏僖三十二年云穀有二陵南陵夏后臯之墓也其
北陵文王之所避風雨是有石者也云水崖曰墳者案
爾雅云重崖岸墳大防是墳為崖岸之峻者故知水崖
曰墳故詩云遵彼汝墳是汝水之大防亦是水崖曰墳
也云下平曰衍者此十地皆兩兩相對為名墳既水崖
而高明衍為下平此下平又與下溼曰隰者別也云高
平曰原者案爾雅云廣平曰原高平曰陸不云高平曰
原此言高平曰原者對下溼曰隰而言其實高平即廣
平者也爾雅高平曰陸者據山傍平者故下云可食者
曰原也云下溼曰隰者爾雅釋地文若然禹貢云大陸
既作注大陸地者爾雅釋地八藪晉有大陸彼是藪澤
之地稱與高平曰陸者別也云十等之名者山林以下
十等名異也云與所生之物者即下文土會之法以下

是也而辨其邦國都鄙之數制其畿疆而溝封之設其社

稷之壇而樹之田主各以其野之所宜木遂以名其社

與其野注千里曰畿疆猶界也春秋傳曰吾子疆理天

下溝穿地為阻固也封起土界也社稷后土及田正之

神壇壇與塚埒也田主田神后土田正之所依也詩人

謂之田祖所宜木謂若松栢栗也若以松為社者則名

松社之野以別方面音義壇維癸反別疏釋曰云辨其

別畿外諸侯邦國多少之數謂若王制云畿外八州州

二百一十國也云辨其都鄙之數者謂分別畿內三等

采地之數謂若王制畿內九十三國也云制其畿疆者
王畿內千里中置王城面有五百里其邦國都鄙亦皆
有畿界也云而溝封之者謂於疆界之上設溝溝為封
樹以為阻固也云設其社稷之遺者謂於中門之外右
邊設大社大稷王社王稷又於廟門之屏設勝國之社
稷其社稷外皆有墻埽於四面也云而樹之田主者謂
籍田之內依樹木而為田主云各以其野之所宜木者
王之田主唯一而已不得云各今云各者總據邦國都
鄙并王者而言也云遂以名其社與其野者謂假令以
松為社則名松社之野餘皆放此也注釋曰云千里曰
畿者職方文云春秋傳曰吾子疆理天下者案左氏傳
成二年韋之戰齊侯使國佐賂晉師晉人不許曰使齊
之封內盡東其畝國佐對云先王疆理天下物土之宜
故詩云我疆我理南東其畝今吾子疆理諸侯彼云先
王疆理天下又云吾子疆理諸侯此文也云溝穿地為阻固
不同者鄭以義言之非傳之正文也云溝穿地為阻固

也者謂穿地為深溝即是阻固也云封起土界也者穿溝出土於岸即為封封即是起土界也云社稷后土及田正之神者鄭義依孝經緯社者五土之總神以句龍生時為后土官有功於土死配社而食稷是原隰之神宜五穀五穀不可遍舉稷者五穀之長立稷以表神名故號稷棄為堯時稷官主稼穡之事有功於民死乃配稷而食名為田正也故云社稷后土及田正之神雙言之耳云墼壇與堦埒也者經直云墼壇即堦埒不云壇以墼在壇之四面為之明中有壇可知故鄭兼云壇也案禮記郊特牲云君南面於北墉下鄭注云北墉社內北墉彼社雖無室壇外四面有壁壁外乃有墼耳若然封人云設王之社墼者彼官卑主設之此大司徒尊官直主其制度而已云田主田神后土田正之所依也者此田主當在籍田之中依樹木而為之故云各以其土地所宜木云田主田神者謂郊特牲云先穡與神農一也若然鄭意以田主為神農則無后土及田正之神直

以神農為主祭尊可以及卑故使后土田正二神憑依之同壇共位耳田正則郊特牲所云司嗇一也又引詩人謂之田祖者詩云以御田祖毛云田祖先穡籥章亦云凡國祈年于田祖鄭云田祖始耕田者謂神農也引之者證田主是神農也云所宜木謂若松栢栗也者是論語哀公問社於宰我對云夏后氏以松殷人以栢周人以栗彼三代所都異處所宜之木不同夏居平陽宜松殷居亳宜栢周居鎬京宜栗此經雖據周一代而言其邦國都鄙異處所宜之木亦復不同故云若松栢栗也云若以松為社者則名松社之野者此取松為社假設而言耳云以別方面者但四方宜木各不同或一方宜松則以松為社以別餘之方面耳

以土會

之灋辨五地之物生一曰山林其動物宜毛物其植物

宜早物其民毛而方二曰川澤其動物宜鱗物其植物

宜膏物其民黑而津三曰丘陵其動物宜羽物其植物
宜覈物其民專而長四曰墳衍其動物宜介物其植物
宜莢物其民皙而瘠五曰原隰其動物宜羸物其植物
宜叢物其民豐肉而庠注會計也以土計貢稅之法因
別此五者也毛物貂狐貓貉之屬縵毛者也鱗物魚龍
之屬津潤也羽物翟雉之屬核物李梅之屬專園也介
物龜鼈之屬水居陸生者莢物薺莢王棘之屬皙白也
瘠臞也羸物虎豹貔獠之屬淺毛者叢物萑葦之屬豐

猶厚也。庠猶短也。杜子春讀生為性。鄭司農云：植物根生之屬，早物柞栗之屬。今世間謂柞實為阜，斗膏物謂揚柳之屬，理致且白如膏。玄謂膏當為橐，字之誤也。蓮

芡之實有橐韜音義

會古外反注同。早音阜，本或作阜。注同。鱗劉本作麴音鱗。津如字一。

本作澁音同。潤也。覈音核，專徒丸反。注同。長如字。下注

長於土。圭同介音。界莢古協反。替音錫。白色也。羸力果

反。叢才東反。肉如字。劉而樹反。庠音婢。貂音彫。獮吐官

反。貉胡洛反。依字作緡。緡音辱一音如勇反。圜音圓。又

徒丸反。懼其俱反。又作耀音稍。與考工記耀後音同。貌

音毗一音房私反。獮勅宜反。荏音丸。葦于鬼反。柞子洛

反。致直記反。橐古毛反。劉疏釋曰：云會計也。以土地計

古到反。芡音儉。韜吐刀反。會所出貢稅之法。貢稅出

於五地故須說五地所生不同也故云以土會之法也
云辨五地之物生者但天之所覆地之所載地有五等
所生無過動植及民耳故云辨五地之物生上經云十
等此云五地不同者上經細別而言則十等以類相并
而言故五等其實一也一曰山林者此五地以高下相
對故一曰山林山林高之極者二曰川澤川澤下之極
者故以為對也又五地之內以民之資生取於動植之
物故先言動植後言民也山林之中其動物宜毛物其
植物宜阜物其民毛而方此五地人物之等皆方以類
聚物以羣分及民之所生皆因地氣所感不同故使形
類有異也注釋曰案宰夫職云歲計曰會故云會計也
鄭知以土計貢稅之法者以五地中而云會計者唯有
貢稅之法故鄭云以土計貢稅之法因別此五者也云
毛物貂狐獬貉之屬者依爾雅而言耳案爾雅云狸狐
獬貉同文此云貂狐不言狸者鄭君所讀爾雅者為貂
不為狸也言之屬者山林之中毛者甚衆故以之屬總

之也言縵毛者謂毛之細縵者也云鱗物魚龍之屬者
案月令春云其蟲鱗鄭云蛇不言魚者有足曰蟲無足
曰豸經云其蟲鱗魚無足故不言魚其實魚入鱗內可
知也此經云川澤宜鱗物鱗物以魚為主有魚龍有蛇
可知故不言蛇也云津潤也者以其民居澤近水故有
津潤但入水見日則黑故民黑津也云羽物翟雉之屬
者案禹貢徐州貢羽畎夏翟則翟雉也以雉乃羽中之
貴物故丘陵所宜羽物者是翟雉也云核物李梅之屬
者鄭以丘陵阪險宜棗杏及李梅等目驗可知故云李
梅之屬中有棗杏也云專園也者此丘陵地氣使之然
也云介物龜鼈之屬水居陸生者此陸生謂陸地生子
及生訖即入水而居故云水居陸生也五行傳云貌之
不恭則有龜蓂注云龜蟲之生於水者亦謂生居在水
中非謂初生在水彼生與此鄭云陸生之生義異也又
云莢物薺莢王棘之屬者薺莢即今人謂之阜莢蓋誤
云阜當言薺也王棘即士喪禮云王棘若擇棘者是也

棘雖無莢蓋樹之枝葉與薺莢相類故并言之也云皙
白也者此民居於墳衍地氣宜白又見詩云揚且之皙
皙為白可知也云瘠臞也者案爾雅釋言云臞臞瘠也
注云齊人謂瘠瘦為臞則臞為瘦小之貌故鄭云瘠也
云羸物虎豹獬豸之屬者考工記梓人職說大獸而云
厚脣舛口出目短耳大胃耀後若是者謂之羸屬又爾
雅有虎有豹故知羸物為虎豹也但爾雅及諸經不見
有獬豸禮云載獬豸此鄭云獬豸即獬豸也云淺毛者
若以淺毛言之則入羸蟲中故月令中央土其蟲羸鄭
云虎豹之屬恒淺毛若據有毛言之即為毛蟲故白虎
入西方毛蟲之長也云叢物萑葦之屬者詩云萑葦淠
淠是二者各以類聚也杜子春讀生為性性亦訓為生
義既不殊故後鄭不破之也鄭司農云植物根生之屬
先鄭對動非植生為號也阜物柞栗之屬者柞實之皮
得染阜故引今世猶謂柞實為阜斗為證其栗雖不得
染阜其皮亦阜斗之類故與柞同為阜物也云膏物謂

揚柳之屬理致且白如膏者先鄭以物色上解之後鄭不從者以其上下云動植者皆不以色上為名先鄭獨此一者取義於色故後鄭易之玄謂膏當為橐者經云膏是脂膏之膏於植物義無所取直是字誤故破從橐也云蓮芡之實有橐韜者以其是川澤所生故知是蓮芡之實皆有外皮橐韜其實者也案大司樂一變而致川澤之示先言川澤後云山林者彼取神之易致為先故先言川澤此取尊卑高下相對故先言山林也又彼云五變而致土示注云土祗原隰及平地因此五物者此中不見平地者亦原隰中可以兼之也

民之常而施十有二教焉一曰以祀禮教敬則民不苟二曰以陽禮教讓則民不爭三曰以陰禮教親則民不怨四曰以樂禮教和則民不乖五曰以儀辨等則民不

越六曰以俗教安則民不愉七曰以刑教中則民不競
八曰以誓教恤則民不怠九曰以度教節則民知足十
曰以世事教能則民不失職十有一曰以賢制爵則民
慎德十有二曰以庸制祿則民興功注陽禮謂鄉射飲
酒之禮也陰禮謂男女之禮昏姻以時則男不曠女不
怨儀謂君南面臣北面父坐子伏之屬俗謂土地所生
習也愉謂朝不謀夕恤謂災危相憂民有凶患憂之則
民不解怠度謂宮室車服之制世事謂士農工商之事

少而習焉其心安焉因教以能不易其業慎德謂矜其善德勸為善也庸功也爵以顯賢祿以賞功故書儀或

為義杜子春讀為儀謂九儀音義

又音榆競薄報反解

佳賣反少疏

釋曰上經云五地之物生動植及民生處

詩照反

不同是其常灋今此十二教亦因民之所

常生之處施之故云因此五物者民之常而施十二教

也云一曰以祀禮教敬則民不苟者凡祭祀者所以追

養繼孝事死如事生但人於死者不見其形多有致慢

故禮云祭極敬也是以一曰以祀禮教敬死者尚敬則

生事其親不苟且也二曰以陽禮教讓則民不爭者謂

鄉飲酒之禮酒入人身散隨支體與陽主分散相似故

號鄉射飲酒為陽禮也鄉飲酒即黨正飲酒之類是也

黨正飲酒之時五十者堂下六十者堂上皆以齒讓為

禮則無爭故云以陽禮教讓則民不爭也三曰以陰禮教親則民不怨者以陰禮謂昏姻之禮不可顯露故曰陰禮也男女本是異姓冕而親迎親之也親之也者親之也使之親已是昏禮相親之義昏姻及時則男女無有怨曠故云以陰禮教親則民不怨也四曰以樂禮教和則民不乖者自一曰至三曰已上皆有揖讓周旋升降之禮此樂亦云禮者謂饗燕作樂之時舞人周旋皆合禮節故樂亦云禮也凡人乖離皆由不相和合樂主和同民心故民不乖也五曰以儀辨等則民不越者儀謂以卑事尊上下之儀有度以辨貴賤之等故云以儀辨等也民知上下之節不敢踰越故云則民不越也六曰以俗教安則民不愉者俗謂人之生處習學不同若變其舊俗則民不安而為苟且若依其舊俗化之則民安其業不為苟且故云以俗教安則民不愉苟且也七曰以刑教中則民不競者刑者禁民競亂今用刑得所民得中正不為競亂故云以刑教中則民不競也八

曰以誓教恤則民不怠者民有厄喪教之使相憂恤則
 民不懈怠也九曰以度教節則民知足者度謂衣服宮
 室之等尊卑不同以此法度教之使知節數民知禮節
 自知以少為足故云則民知足也十曰以世事教能則
 民不失職者父祖所為之業子孫述而行之不失本職
 故云以世事教能則民不失職也十有一曰以賢制爵
 則民慎德者人有賢行制與之爵民皆謹慎矜矜於善
 德以求榮寵故云以賢制爵則民慎德也十有二曰以
 庸制祿則民興功者庸功也人有功則制祿與之民皆
 興其功業故云則民興功也此十二教以重急者為先
 輕緩者為後注釋曰云陽禮謂鄉射飲酒之禮者以是
 陽禮而云教讓其鄉射是州長射禮鄉飲酒是黨正飲
 酒皆有正齒位飲酒為敬讓之事故知陽禮是二事若
 然鄉中有鄉射鄉飲酒以其州長黨正皆屬於鄉大夫
 或鄉大夫所居州黨故雖州長射黨正飲酒亦號曰鄉
 也云陰禮謂男女之禮者以其言陰又云不怨故知是

男女昏姻之禮也云昏姻以時則男不曠女不怨者此約雄雉詩序文軍旅數起大夫久役男女怨曠注云國
人久處軍役之事故男女多怨曠也男曠而苦其事女怨而望其君子此經直云不怨據女而言文不具顯故
鄭兼言曠也若然彼詩據舊成夫婦此文據配合得時
時雖不同若失時怨曠不異故引為證也云儀謂君南
面臣北面父坐子伏之屬者案易乾鑿度云不易也者
其位天在上地在下君南面臣北面父坐子伏此其不
易也鄭依此言其不易也仍有天地不易不言故云之
屬以兼之也云俗謂土地所生習也者謂若下曲禮云
君子行禮不求變俗居喪之禮哭泣之位皆如其國之
故而審行之是其故俗所習也云愉謂朝不謀夕者案
春秋左氏襄公三十一年穆叔至自會見孟孝伯語之
曰趙孟將死矣其語愉又孝伯曰人生幾何誰能無愉
朝不及夕將安用樹穆叔出而告人曰孟孫將死矣吾
語諸趙孟之愉也而又甚焉昭元年天王使劉定公勞

趙孟於潁館於洛汭劉子曰美哉禹功明德遠矣微禹
吾其為魚乎吾與子弁冕端委以治民臨諸侯禹之力
也子盍遠績禹功而大庇民乎對曰老夫罪戾是懼焉
能恤遠吾儕偷食朝不謀夕何其長也劉子歸以語王
曰諺所謂老將至而耄及之者以此而言之鄭似依昭
元年傳也云恤謂災危相憂民有凶患憂之則不懈怠
者災危凶憂謂若遭水旱之災歲凶年穀不登有無相
濟是其相憂令不懈怠也云度謂宮室車服之制者謂
若典命云上公九命國家宮室車旗衣服禮儀及侯伯
子男已下各依命數是其制度也云世事謂士農工商
之事少而習焉其心安焉因教以能不易其業者案齊
語云桓公曰成民之事若何管子曰四民者勿使雜處
雜處則亂昔聖王處士就閑燕處工就官府處商就市
井處農就田野又云士之子恒為士工之子恒為工商
之子恒為商農之子恒為農少而習焉其心安焉是世
事也云慎德謂矜其善德勸為善者民能矜矜然求其

善德又相勸為善也云庸功也者此經云以庸制祿司
士云以功詔祿庸即功其理同也云故書儀或為義杜
子春讀為儀者不從故書讀從大
宗伯九儀一命至九命作伯也
以土宜之灋辨十有

二土之名物以相民宅而知其利害以阜人民以蕃鳥
獸以毓草木以任土事注十二土分野十二邦上繫十

二次各有所宜也相占視也阜猶盛也蕃蕃息也育生

也任謂就地所生因民所能音義

相息亮反注同毓音育分扶問反

疏

釋曰云以土宜之法辨十有二土之名物者十二土各
有所宜不同所出之物及名皆異故云以土宜之法辨
十有二土之名物也云以相民宅者謂既知十二土之
所宜以相視民居使之得所也云而知其利害者十二

土之中利處居之害處遠之以阜盛人民以蕃息鳥獸以毓生草木者皆由知利害使之然也云以任土事者辨十有二土任人性居之注釋曰云十二土分野十二邦上繫十二次各有所宜也者案保章氏以星土辨九州之地注云星土星所主土又云大界則曰九州中諸國之封域於星亦有分焉其書亡矣堪輿雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火星也析木燕也如是天有十二次日月之所躔地有十二土王公之所國又周語伶周鳩云昔武王伐商歲在鶉火又云歲之所在則我之分野故知分野十二邦上繫十二次各有所宜也若然唐虞及夏萬國殷周千七百七十三國皆依附十二邦以繫十二次若吳越同次之類也凡繫星之法皆因王者所命屬焉故昭元年左傳云晉侯有疾鄭公孫僑如晉聘且問疾叔向問焉曰寡

君之疾病卜人曰實沈臺駘為崇史莫之知敢問此何神也子產曰昔高辛氏有二子伯曰閼伯季曰實沈居於曠林不相能也日尋干戈以相征討后帝不減遷閼伯於商丘主辰商人是因故辰為商星遷實沈於大夏主參唐人是因以服事夏商又云及成王滅唐而封大叔焉故參為晉星又襄九年晉士弱云陶唐氏之火正閼伯居商丘祀大火相土因之故商主大火是皆先王命祀之法也案元命包云國君王者封上應列星之位注云若角亢為鄭房心為宋凡其餘小國不中星者以為附庸若然附庸不繫星其餘皆繫星也又云任謂就地所生因民所能者地之所生出物不同民之所資事業有異謂若居山者利其金玉錫石禽獸材木居澤者利其魚鹽居陸者利其田蠶是其任謂就地所生因民所能而居之也

辨十有二壤之物

而知其種以教稼穡樹藝注壤亦土也變言耳以萬物

自生焉則言土土猶吐也以人所耕而樹藝焉則言壤

壤和緩之貌詩云樹之榛栗又曰我藝黍稷藝猶蒔也

音義

種章勇反榛側疏釋曰此十二壤即上十二土上人反蒔時至反經論居人物之事此經辨其種

殖所宜故變其文云辨十二壤之物者分別物之所生而

知其所殖之種遂即以教民春稼秋穡以樹其木以

藝其黍稷也注釋曰上經既欲居民不必皆須樹藝故云土取萬物自生為名此經據樹藝而言故變云壤取

和緩為義故鄭云變言耳詩云樹之榛栗是定之方中詩引之證經樹是植木又曰我藝黍稷是楚茨之詩引之證經藝是黍稷也以土均之灋辨五物九等制天下之地征以

作民職以令地貢以斂財賦以均齊天下之政注均平

也五物五地之物也九等駢剛赤緹之屬征税也民職

民九職也地貢貢地所生謂九穀財謂泉穀賦謂九賦

及軍賦音義

駢雖營反緹音低

疏

釋曰以土均之法辨五物者即上山林川澤之等是也云

九等者據五地之內分為九等之地駢剛赤緹之屬糞
種所宜不同也云制天下之地征者言天下則并畿外
邦國所稅入天子而言也此地征與下為目也以作民
職者民有職業乃可稅之云以令地貢者地貢即九職
之稅也云以斂財賦者斂財即太宰九賦斂財賄一也
既言財又別言賦者欲見財既為九賦斂財賦中又兼
有軍賦故財賦殊言之云以均齊天下之政者大司徒
以法均齊之天下皆使依法故云均齊天下之政也注
釋曰九等知是駢剛之屬者但地或云十等或云五地
或云十二土皆無云九等者案草人職云駢剛赤緹之

屬有九等皆是地勢所宜糞種之法故鄭以駢剛赤緹之屬解之云地貢貢地所生謂九穀者案太宰以九職任萬民即云一曰三農生九穀此經云以作民職為九職即云令地貢明貢是九穀可知云財謂泉穀者案太宰云以九賦斂財賄彼注亦云財泉穀則以泉穀當賦泉之數也云賦謂九賦及軍賦者以經云財賦不得為一事解之今鄭以賦為軍賦者則賦中兼軍賦謂甲士三人步卒七十二人之等

以土圭之灋

測土深正日景以求地中日南則景短多暑日北則景長多寒日東則景夕多風日西則景朝多陰注土圭所以致四時日月之景也測猶度也不知廣深故曰測故書求為救杜子春云當為求鄭司農云測土深謂南北

東西之深也日南謂立表處大南近日也日北謂立表處大北遠日也景夕謂日跌景乃中立表之處大東近日也景朝謂日未中而景中立表處大西遠日也玄謂晝漏半而置土圭表陰陽審其南北景短於土圭謂之日南是地於日為近南也景長於土圭謂之日北是地於日為近北也東於土圭謂之日東是地於日為近東也西於土圭謂之日西是地於日為近西也如是則寒暑陰風偏而不和是未得其所求凡日景於地千里而

差一寸音義

深尺鳩反景如字本或作影非下及注同度待洛反下同近附近之近下同遠于萬

反跌待

疏

釋曰案玉人職云土圭尺有五寸周公攝政四年欲求土中而營王城故以土圭度日景

結反

之法

測度也度土之深深謂日景長短之深也正日景

者夏日至晝漏半表北得尺五寸景正與土圭等即地

中故云正日景以求地中也日南則景短多暑者周公

度日景之時置五表五表者於潁川陽城置一表為中

表中表南千里又置一表中表北千里又置一表中表

東千里又置一表中表西千里又置一表今言日南景

短多暑者據中表之南表而言亦晝漏半立八尺之表

表北得尺四寸景不滿尺五寸不與土圭等是其日南

是地於日為近南景短多暑不堪置都之事也云日北

者據中表之北表而言亦晝漏半表北得尺六寸景是

地於日為近北是其景長多寒之事也云日東則景夕

多風者據中表之東表而言亦於晝漏半中表景得正

時東表日已跌矣是地於日為近東晝漏半已得夕景故云景夕多風云日西則景朝多陰者據中表之西表而言是地於日為近西亦於晝漏半中表景得正時西表日未中仍得朝時之景故云日西則景朝多陰此經皆未得所求耳解洪範之義依五行傳風屬中央雨屬東方今西方云多陰東方云多風者土為木妻木為金妻從妻所好故月離於箕風揚沙月離於畢俾滂沱故此東方多風西方多陰陰即雨也注釋曰案馮相氏云冬夏致日春秋致月皆以土圭度之是以冬官考工記云土圭尺有五寸以致日故鄭云土圭所以致四時日月之景也云測猶度不知廣深故曰測者廣深喻遠近以經云測土深故鄭云廣深也鄭司農云測土深謂南北東西之深者先鄭據經云日南日北日東日西皆以土圭測度之先鄭又云日南謂立表處大南近日云云先鄭之意日於地中而在南故以南表為近日北表為遠日日出東方而西流故以東表為近日西表為遠日

云景夕謂日跌景乃中者於晝漏半東表日跌中表景乃中又云景朝謂日未中而景中者亦於晝漏半西表日未中而中表景乃中也玄謂晝漏半而置土圭表陰陽審其南北者後鄭釋景長短之意度景之法冬至夏至皆可為之皆據晝漏半者以取日正午乃得其端直也云表陰陽者東方西方是陰陽故別云審其南北也又云景短於土圭謂之日南是地於日為近南云云後鄭之義與先鄭不殊更云是地於日為近南已下者先鄭云近日遠日恐人以為南方東方地高為近日北方西方地下為遠日有此地高下之嫌故後鄭增成先鄭之義云是地於日為近北於日為近東於日為近西取四方之表皆去中表千里而云是立表之處其地於天下之日為近南為近北為近東為近西也云如是則寒暑陰風偏而不和是未得其所求者此言對下經地中是陰陽風雨和會為得所求也云凡日景於地千里而差一寸者案三光考靈耀云四游升降於三萬里中下

云日至之景尺有五寸謂之地中則是半三萬里而萬
五千里與土圭等是千里差一寸算法亦然言此者欲
見經日南日北之等等皆去中表千里為術景長景短皆
差一寸耳知表皆高八尺而以晝漏半者以其通卦驗
云冬至至樹八尺之表日中視其晷是
以知用八尺表而以晝漏半度景也 日至之景尺有五

五寸謂之地中天地之所合也四時之所交也風雨之
所會也陰陽之所和也然則百物阜安乃建王國焉制
其畿方千里而封樹之注景尺有五寸者南戴日下萬
五千里地與星辰四游升降於三萬里之中是以半之
得地之中也畿方千里取象於日一寸為正樹樹木溝

上所以表助阻固也鄭司農云土圭之長尺有五寸以夏至之日立八尺之表其景適與土圭等謂之地中今

潁川陽城地為然疏

釋曰上經置五表於四方四表未得所求今於中表夏日至亦晝漏

半立八尺之表表北得景尺有五寸景與土圭等謂之地中於此地中之所天地之所合也者天地不合萬物不生天地配合萬物乃生故樂記云天地訢合是也四時之所交也者即尚書所云宅南交孔云言夏與春交舉一隅以見之則秋與夏交冬與秋交春與冬交可知故云四時所交也風雨之所會也者風雨所至會合人心謂若禮器云饗帝於郊風雨寒暑時是也陰陽之所和也者謂若昭四年左氏申豐云冬無愆陽夏無伏陰是其陰陽和也然則百物阜安者總結上句所合已下然猶如是阜盛也如是四事得所則百物盛安也乃建

王國焉者建立也於此盛安之處乃立王之國城焉制其畿方千里者王畿千里以象日月之大中置國城面各五百里制畿界而封樹之者於畿疆之上而作深溝土在溝上謂之為封封上樹木以為阻固故云而封樹之注釋曰云景尺有五寸者欲釋經景尺有五寸得地中之意云南戴日下萬五千里者景一寸差千里故於地中尺五寸景去南戴日下萬五千里云地與星辰四游升降於三萬里之中者考靈耀文言四游升降者春分之時地與星辰復本位至夏至之日地與星辰東南游萬五千里下降亦然至秋分還復正至冬至地與星辰西北游亦萬五千里上升亦然至春分還復正進退不過三萬里故云地與星辰四游升降於三萬里之中是以半之得地之中也云畿方千里取象於日一寸為正者鄭注王制象日月之大亦取晷同此云取象於日一寸為正不言象日月之大者略不言之矣云一寸為正者即是景一寸地千里與王制注晷同一也案元命

包云日圓望之廣尺以應千里故鄭注王制云象日月之大也又案考靈耀曰從上臨下八萬里天以圓覆地以方載河圖括地象曰天不足西北地不足東南西北為天門東南為地戶天門無上地戶無下又云極廣長南北二億三萬三千五百里東西二億三萬三千里又云天左動起於牽牛地右動起於畢廣雅云天園南北三億三萬三千五百里七十五步東西短減四步周六億十萬七百里二十五步從地至天億一萬六千七百八十七里半下度地之厚與天高等天度云東方七宿七十五度南方七宿百一十二度西方七宿八十度北方七宿九十八度四分度之一四方三百六十五度四分度之一度二千九百三十二里二十八宿間相距積百七萬九百一十三里徑三十五萬六千九百七十里鄭司農云潁川陽城地為然者潁川郡陽城縣是周公度景之處古跡猶存故云地為然也案春秋左氏武王克商遷九鼎於洛邑欲以為都不在潁川地中者武王

欲取河洛之間形勝之所洛都雖不在地之正中潁川地中仍在畿內若然武王已遷鼎於洛欲以為都周公又度景求地中者武王雖定鼎訖周公更度之者所以審慎故案書傳云四年建侯衛五年營成周建侯衛者在尚書康誥封康叔是也案康誥云惟三月哉生魄周公初基作新大邑于東國洛四方之民大和會注云岐鎬之域處五岳之外周公為其於政不均故東行於洛邑合諸侯謀作天子之居四方民聞之同心來會樂即功作効其力焉是時周公居攝四年也又案召誥惟三月丙午肱越三日戊申大保朝至于洛卜宅厥既得卜則經營之注云是時周公居攝五年若然洛邑在攝政四年初為基址至五年乃正營之也

凡建邦

國以土圭土其地而制其域諸公之地封疆方五百里其食者半諸侯之地封疆方四百里其食者參之一諸

伯之地封疆方三百里其食者參之一諸子之地封疆方二百里其食者四之一諸男之地封疆方百里其食者四之一注土其地猶言度其地鄭司農云土其地但為正四方耳其食者半公所食租稅得其半耳其半皆附庸小國也屬天子參之一者亦然故魯頌曰錫之山川土田附庸奄有龜蒙遂荒大東至于海邦論語曰季氏將伐顓臾孔子曰先王以為東蒙主且在邦域之中是社稷之臣此非七十里所能容然則方五百里四百

里合於魯頌論語之言諸男食者四之一適方五十里
獨此與今五經家說合耳玄謂其食者半參之一四之
一者土均均邦國地貢輕重之等其率之也公之地以
一易侯伯之地以再易子男之地以三易必足其國禮
俗喪紀祭祀之用乃貢其餘若今度支經用餘為司農
穀矣大國貢重正之也小國貢輕字之也凡諸侯為牧
正帥長及有德者乃有附庸為其有祿者當取焉公無
附庸侯附庸九同伯附庸七同子附庸五同男附庸三

同進則取焉退則歸焉魯於周法不得有附庸故言錫之也地方七百里者包附庸以大言之也附庸二十四

言得兼此四等矣音義

疆居良反下同顓之宣反與音榆率音律又音類後注同正音

征字如字一音

疏

釋曰上經既陳天子之國并畿內千

滋為于偽反

里此經說諸侯邦國故云凡建邦國

以土圭土其地土猶度也以土圭度其地假令封上公

五百里國北畔立八尺之表夏至晝漏半得尺五寸景

與土圭等南畔得尺四寸五分其中減五分一分百里

五分則五百里減四分則四百里封侯減三分則三百

里封伯減二分則二百里封子減一分則一百里封男

是土其地之法而制其域者自上公五百里已下境界

皆有營域封圻云諸公之地封疆方五百里其食者半

者言天子封公以五百里之地其一國之稅天子食其

半云諸侯之地封疆方四百里其食者參之一者謂三分之天子食其一分云諸伯之地封疆方三百里其食者三之一者謂總得一國之稅四分之天子食其一分故云其食者四之一其天子所食者皆謂諸侯市取美物以貢天子即太宰九貢是也其公之稅有半侯伯有三之二子男有四之三皆自入充國家畜積禮俗喪紀之用也注釋曰土其地猶言度其地者案上經以土圭之法測土深測猶度也此經云以土圭土其地以土正當測處故云土其地猶言度其地也司農云土其地但為正四方耳者司農意案上經天子度取土中此封諸侯但正四方而已不求土中故云但為正四方謂五百里四百里之等云其食者半公所食租稅得其半耳其半皆附庸小國也屬天子參之一亦然者司農意以經云其食者半與參之一四之一皆自食其餘竝入天子故云其食者半公所食租稅得其半耳其半皆附庸小國也

屬天子參之一亦然也先鄭雖不云四之一司農意亦
 四分分之三分入天子一分自食司農之義於經文雖
 似通若然則大國貢輕次國小國貢重非字小之法於
 義不可故後鄭不從引魯頌曰錫之山川已下至社稷
 之臣此司農之意上公已下盡有附庸魯雖侯爵受五
 百里之國明堂位云七百里者五百里外竝是附庸即
 公五百里者亦半為附庸故上注云其半皆附庸是也
 云此非七十里所能容者司農之意見孟子何休之徒
 言周之制無五百里四百里國魯國唯有七十里而已
 故破諸家據魯頌論語非七十里之所能容也云然則
 方五百里四百里合於魯頌論語之言者司農據此經
 公五百里侯四百里與魯頌論語合亦是破諸家之意
 云諸男食者四之一適方五十里者司農意男國百里
 開方得五十里者四經云其食者四之一謂三分入天
 子一分自食所食者唯有五十里云獨此與今五經家
 說合耳者五經家謂若張苞何休孟子等皆以為周法

公侯方百里伯七十里子男五十里子男五十里故男食五十里是與五經家說合若自子已上以百里七十里國於此經二百里已上四之一三之一不合故直舉男地而言玄謂其食者半參之一四之一者土均均邦國地貢輕重之等者案下土均云均地貢均即此所均征稅邦國地貢輕重是也云其率之也公之地以一易侯伯之地以再易子男之地以三易者其民受地有一易再易故此諸侯之地據貢入天子似耕之者入諸侯者似易而不耕者故以公之地貢半似二百畝佃半也侯伯之地三之一貢入天子似家三百畝佃百畝留二分似荒廢者也子男之地以四之一貢與天子似家得四百畝佃百畝留三分似三百畝不耕者也但民家無三易之地直以況義耳云必足其國禮俗喪紀祭祀之用乃貢其餘者後鄭意釋公國貢半已下漸少之意言公受地廣稅物多但留半自用即足其國俗喪紀及畜積之用故以半為餘貢入天子其侯伯受地差少則其

稅亦少故三分之二留自用乃足其國以一分為餘貢
入天子其子男受地又少其稅轉少故四分之三乃足
其國亦以一分為餘貢入天子注雖不言畜積但言足
其國明畜積在中乃得云足故王制云國無九年之畜
曰不足是也云若今度支經用餘為司農穀矣者度支
經用以國家喪紀所用餘為司農穀者入天子故據漢
法以況之云大國貢重正之也小國貢輕字之也者謂
若四之一是也字愛也謂愛小國之法若然三之一者
是不輕不重後鄭言此者破先鄭其食者四之一三分
貢與天子三之一者二分貢與天子非字小之法又見
采地之稅四之一一分貢與天子故不從先鄭之義云
凡諸侯為牧正帥長及有德者乃有附庸者案王制云
五國以為屬屬有長十國以為連連有帥三十國以為
卒卒有正二百一十國為州州有伯伯即牧也此牧正
帥長皆是有功諸侯乃得為之有功即有附庸又諸侯
有德雖不為牧正帥長亦得有附庸故鄭總云諸侯牧

正帥長及有德者乃有附庸焉云為其有祿者當取焉者謂取閒田為附庸以為祿也云公無附庸者以其天子畿方千里上公五百里地極大故無附庸也云侯附庸九同者以其侯有功進受公地但公五百里開方之方百里者五五二十五侯四百里開方之四四十六加九同則為二十五同與公等故知侯附庸九同云伯附庸七同者伯地三百里三三而九加七同則為十六同與侯等故知伯附庸七同也云子附庸五同男附庸三同者以其子有功進受伯地加五同與伯等男有功受子地男本一同加三同與子等開方之皆可云進則取焉退則歸焉者進則取焉謂附庸者退則歸焉者謂為閒田者也故王制一州之內二百一十國其餘以為附庸閒田併言之矣云魯於周法不得有附庸故言錫之也者魯雖為侯爵以其王子母弟雖為侯伯畫服如上公受五百里之地與上公等成王以周公制典法之勲賜魯以侯伯子男四等附庸故明堂位云地方七百

里鄭云方七百里者包附庸以大言之也又云附庸二十四言得兼此四等矣者魯本五百里四面各加百里四五二十即二十同四角又各百里為四同故云附庸二十四言周公以德兼侯九同伯七同子五同男三同故云兼此四等矣凡言同者皆百里地百里則為國周法不滿百里乃為附庸今皆名附庸為同者但附庸實不滿百里積集附庸成同并數之矣假令男附庸三同附庸國則多矣據成同而言三耳自餘五同七同已上其義可知

凡造都鄙制其地域而封溝之以其室數制之
不易之地家百畝一易之地家二百畝再易之地家三百畝
注都鄙王子弟公卿大夫采地其界曰都鄙所居也
王制曰天子之縣內方百里之國九七十里之國二

十有一五十里之國六十有三此蓋夏時采地之數周

未聞矣春秋傳曰遷鄭焉而鄙留城郭之宅曰室詩云

嗟我婦子曰為改歲入此室處以其室數制之謂制丘

甸之屬王制曰凡居民量地以制邑度地以居民地邑

民居必參相得鄭司農云不易之地歲種之地美故家

百畝一易之地休一歲乃復種地薄故家二百畝再易

之地休二歲乃復種故家三百畝音義

畝本亦作古畝
字甸劉常證反

復扶又疏釋曰上言王畿及諸侯邦國至此更言畿內
都鄙三等采地云凡造都鄙制其地域者案

載師職家邑任稍地小都任縣地大都任疆地又下文
小司徒職云四丘為甸四甸為縣四縣為都家邑二十
五里小都五十里大都百里是造都鄙制其地域也云
而封溝之者謂三等采地四境界上皆有溝封而樹之
以為阻固云以其室數制之者其室在都邑之內而云
制之者依其城內室數於四野之中制地與之謂若九
夫為井四井為邑四邑為丘四丘為甸四甸為縣四縣
為都之等是也云不易之地家百畝者此謂上地年年
佃之故家百畝云一易之地家二百畝者謂年別佃百
畝廢百畝云再易之地家三百畝者以其地薄年佃百
畝廢二百畝三年再易乃徧故云再易也注釋曰言都
鄙王子弟公卿大夫采地者公在大都卿在小都大夫
在家邑其親王子母弟與公同在大都次疏者與卿同
在小都次更疏者與大夫同在家邑故總云都鄙王子
弟公卿大夫采地也云其界曰都鄙所居也者三等采
地皆有城郭是其鄙所居也據其四境即是其界曰都

又引王制曰天子之縣內方百里之國九云云又云此蓋夏時采地之數者案殷周皆稱畿內王制云縣內疑是夏時故云此蓋夏時采地之數也云周未聞矣者案洛誥傳云天下諸侯入來進受命於周退見文武之尸者千七百七十三諸侯注云八州州立二百一十國畿內九十三國云畿內九十三國即此都鄙之數有文矣而云未聞者以無正文故疑焉或未可聞其大國次國小國各有幾國故云未聞其實總數則聞之矣云春秋傳曰遷鄭焉而鄙留者案桓十一年夏五月鄭伯寤生卒秋七月葬鄭莊公九月宋人執鄭祭仲公羊云祭仲者何鄭相也何以不名賢乎祭仲以為知權也其為知權奈何古者鄭國處於留先鄭伯有善於鄆公者通乎夫人以取其國而遷鄭焉而野留莊公死已葬祭仲將往省于留塗出於宋宋人執之謂之曰為我出忽而立突祭仲不從其言則君必死國必亡從其言則君可以生易死國可以存易亡是以謂之權也野鄙不同者何

鄭所見傳異也案玄發墨守云鄭始封君曰桓公者周宣王之母弟國在宗周畿內今京兆鄭縣是也桓公生武公武公生莊公遷易東周畿內國在號鄆之間今河南新鄭是也武公生莊公因其國焉留乃在陳宋之東鄭受封至此適三世安得古者鄭國處於留祭仲將往省留之事乎是鄭若不從公羊引之者直取鄙所居為義也其鄭居留之事猶自不取也所謂文取而義不取也云城郭之宅曰室又引詩者是七月詩取證室在城內以其室數制城外井邑又云制之謂制丘甸之屬者案下小司徒云四井為邑以至丘甸縣都是也又引王制者欲見邑在城外居在城

乃分地職奠地守制地貢

而頒職事焉以為地灋而待政令注分地職分其九職

所宜也定地守謂衡麓虞候之屬制地貢謂九職所稅

也。頒職事者，分命使各為其所職之事。音義莫劉疏注

音定

釋

曰：分地職，分其九職所宜也。者，上經既授上中下地，此經云分地職，故知分地職者是分九職所宜。九職則太宰云：一曰三農生九穀，是也。所宜謂若孝經注高田宜黍稷，下田宜稻麥之類是也。云定地守，謂衡麓虞侯之屬者，案昭二十年左氏傳，晏子云：山林之木，衡鹿守之；澤之萑蒲，舟鮫守之；藪之薪蒸，虞侯守之；海之鹽蜃，祈望守之。注云：衡鹿，舟鮫，虞侯，祈望，皆官名也。守之，令民不得取之，不共利時。景公設此守，以致疾，故晏子所非，非其不與民同。鄭引之者，以證地守之官。若然，此地官唯有衡虞無舟鮫祈望者，此周禮舉其大綱。左氏言其細別，故詳略不同。云制地貢，謂九職所稅也。者，此地貢文承地職之下，明非諸侯九貢是其九職任之。九稅斂之，若三農生九穀，則稅九穀園圃毓草木，則稅草木之類是也。云頒職事者，分命使各為其所職之事者，分命

之言案尚書堯典分命羲仲宅嵎夷申命羲叔宅南交
分命和仲宅西曰昧谷申命和叔宅朔方此間頒職事
亦是分命使各為其所職以荒政十有二聚萬民一曰
之事典田之官各有所掌

散利二曰薄征三曰緩刑四曰弛力五曰舍禁六曰去
幾七曰青禮八曰殺哀九曰蕃樂十曰多昏十有一曰
索鬼神十有二曰除盜賊注荒凶年也鄭司農云救飢
之政十有二品散利貸種食也薄征輕租稅也弛力息
繇役也去幾闕市不幾也青禮掌客職所謂凶荒殺禮
者也多昏不備禮而娶昏者多也索鬼神求廢祀而脩

之雲漢之詩所謂靡神不舉靡愛斯牲者也除盜賊急

其刑以除之饑饉則盜賊多不可不除也杜子春讀蕃

樂為藩樂謂閉藏樂器而不作玄謂去幾去其稅耳舍

禁若公無禁利青禮謂殺吉禮也殺哀謂省凶禮音義

弛式氏反舍音捨注同去羗呂反注及下注去蹄同青

所景反注同殺所界反徐所例反注同蕃方袁反注同

徐文注皆音疏釋曰言以荒政十有二者上經見分地

煩種章勇反職則有年穀不熟之時恐民離散故以

救荒之政十有二條以聚萬民使不離散一曰散利者

謂豐時聚之荒時散之積而能散使民利益故云一曰

散利二曰薄征者薄輕也征稅也謂輕其稅三曰緩刑

者謂凶年犯刑緩縱之四曰弛力者弛放其力役之事

五曰舍禁者山澤所遮禁者舍去其禁使民取蔬食六曰去幾者幾謂呵禁謂闕市去稅而幾之七曰青禮者謂吉禮之中青其禮數八曰殺哀者謂凶禮之中殺其禮數九曰蕃樂者蕃謂閉藏樂器而不作十曰多昏者謂凶荒殺禮昏者多十有一曰索鬼神者謂凶年禱祈搜索鬼神而禱祈之十有二曰除盜賊者凶年盜賊多急其刑以除之注釋曰下曲禮云歲凶年穀不登即此荒一也故云荒凶年也鄭司農云救飢之政十有二品者年穀不熟而民飢故設政教以救之故云救飢之政十有二品十二品即十二條各有品列而不同云散利貸種食也者謂豐時斂之凶時散之其民無者從公貸之或為種子或為食用至秋熟還公據公家為散據民往取為貸故云散利貸種食云薄征輕租稅也者案司稼云巡野觀稼出斂法注云豐年從正凶荒則損若今十傷二三實除減半是輕租稅也云弛力息繇役也者案均人云豐年則公均用三日中年則公均用二日無

年則公均用一日此云弛力謂人食不能二鬴之歲則
移民就穀無力役之事故均人又云凶札則無力政財
賦是也云去幾闕市不幾者此後鄭不從以其雖凶年
猶幾呵但去稅而已云青禮掌客職所謂凶荒殺禮者
也此後鄭不從者掌客所云凶荒殺禮其總目語無所
指斥後鄭以為青吉禮云多昏不備禮而娶昏者多也
者昏禮有六并有玄纁束帛凶荒為昏不可備行此禮
使有女之家得減口數有男之家易得其妻故娶昏者
多也云索鬼神謂搜索鬼神而脩之者年有凶災鬼神不佑
經云索鬼神謂搜索鬼神而祭之明是求廢祀而脩之
求廢祀而脩之即雲漢之詩靡神不舉是也連引靡愛
斯牲者見索鬼神是祈禱之事須牲體以薦之案左氏
莊二十五年傳云天災有幣無牲此詩云靡愛斯牲者
若天災之時祈禱無牲災滅之後即有牲體故云靡愛
斯牲云除盜賊急其刑以除之饑饉則盜賊多不可不
除也者上文既言緩刑其除盜賊用急刑乃上下文為

妨故鄭云饑饉則盜賊多不可不除故須急其刑以除之云杜子春讀蕃樂為藩樂謂閉藏樂器而不作者經云蕃者是蕃育之字故讀從藩是藩閉之字案大司樂云大凶大裁令弛縣注云弛釋下之若令休兵鼓之為彼又云日月食四鎮五嶽崩諸侯薨令去樂注云去樂藏之引春秋傳曰壬午猶繹萬入去籥萬言入則去者不入藏之可知彼之二文云令弛縣據路寢常縣之樂釋下之去樂據廟中祭時暫縣之樂去而藏之此云藩樂謂閉藏樂器據廟中祭祀藏去樂器而不作若然祭祀不作明路寢常縣亦釋下之互見其義玄謂去幾去其稅耳者破先鄭之義全不幾後鄭必知直去其稅猶幾之者案司關云國凶札則無門關之征猶幾明知司農之義非云舍禁若公無禁利者案左傳襄公九年冬公會晉侯伐鄭同盟于戲晉侯歸謀所以息民魏絳請施舍輸積聚以貸自公以下苟有積者盡出之國無滯積亦無困人公無禁利杜注云與民共是也云肯禮謂

殺吉禮也云殺哀謂省凶禮者此破司農之義司農引
掌容職凶荒殺禮證青禮後鄭之意凶荒殺禮是總目
之言不專於吉禮鄭知青禮專是吉禮者以其下有殺
哀與青禮相對故知青禮專是吉禮也案襄公二十四
年冬大饑穀梁傳云五穀不升為大饑一穀不升謂之
慫二穀不升謂之饑三穀不升謂之饑四穀不升謂之
康五穀不升謂之大侵大侵即大饑一也又案廩人云
人食四鬴上也三鬴中也二鬴下也若食不能人二鬴
則令移民就穀不能人二鬴之歲即是大饑年也此云
荒政者亦據大凶年為義案均人云凶札無力政財賦
此既據大饑猶云薄征者此經雖主大饑兼記一穀二
穀不熟之歲故有輕稅也此鄭云荒凶年則荒與凶一
也案大司樂大札大荒大凶荒凶則異其實凶荒是一
故宗伯云以荒禮哀凶札是凶荒不異司樂凶荒別文
者以凶為凶年以荒為荒亂

以保息六養萬民一曰慈

兼見斯義故凶荒別文也

幼二曰養老三曰振窮四曰恤貧五曰寬疾六曰安富

注保息謂安之使蕃息也慈幼謂愛幼少也產子三人

與之母二人與之餼十四以下不從征養老七十養於

鄉五十異糧之屬振窮拊捄天民之窮者也窮者有四

曰矜曰寡曰孤曰獨恤貧貧無財業稟賦之寬疾若今

瘡不可事不算卒可事者半之也安富平其繇役不專

取音義

少詩照反拊音拯捄音救本亦作疏釋曰上經
拯救矜古頑反瘡音隆卒子忽反既陳凶荒

不安之事故此經陳安養萬民之道云以保息六養萬
民者民不安即不得蕃息安則蕃息保安也使民安息

有六條以養萬民故云以保息六養萬民也注釋曰云
產子三人與之母二人與之餼皆是越語范蠡欲速報
吳為此權禮使國民衆多故令國人壯者無取老婦老
者無取壯妻女子十七不嫁父母有罪丈夫二十不娶
亦罪其父母生丈夫三壺酒一犬生女子一壺酒一豚
生三人公與之母生二人與之餼引之者見其愛幼少
之法不必盡如其禮云十四以下不從征者案鄉大夫
職國中七尺野自六尺以下皆不從征案論語云可以
託六尺之孤注云六尺謂年十五則十五從征十四以
下不從征可知亦是愛幼之事也云養老七十養於鄉
者案王制云五十養於鄉六十養於國七十養於學彼
謂大夫士也王制又云凡三王養老皆引年注云已而
引戶校年當行復除也老人衆多非賢者不可皆養故
食貨志云七十已上上所養也此云七十養於鄉亦謂
有賢行者也云五十異糧之屬者是王制文禮記常法
庶人食糗士兼食黍大夫又加以粱今雖庶人至五十

或與士大夫同食黍梁故云異振云振窮拊捄天民之窮者也窮者有四曰矜曰寡曰孤曰獨者案王制云老而無妻者謂之矜老而無夫者謂之寡少而無父者謂之孤老而無子者謂之獨鄭依此而言此四者天民之窮而無告者也皆有常餼故曰振窮云恤貧貧無財業稟貸之者案旅師云凡用粟春頒而秋斂之注云困時施之饒時收之是其恤貧之法故云無財業稟貸之云寬疾若今癘不可事不算卒者漢時癘病不可給事不算計以為士卒若今廢疾者也云可事者半之也者謂不為重役輕處使之取其半功而已似今殘疾者也是其寬饒疾病之法云安富平其繇役不專取者以本俗言繇役均平又不專取則富者安故云安富也

六安萬民一曰媿宮室二曰族墳墓三曰聯兄弟四曰聯師儒五曰聯朋友六曰同衣服注本猶舊也美善也

謂約椽攻堅風雨攸除各有攸宇族猶類也同宗者生

相近死相迫聯猶合也兄弟昏姻嫁娶也師儒鄉里教

以道藝者同師曰朋同志曰友同猶齊也民雖有富者

衣服不得獨異音義

媿音美聯兄弟一本
作娶兄弟椽陟角反
疏釋曰上經

之法此經說安民庶之道以本俗六安民者本舊也不
依舊俗創立制度民心不安若依舊俗民心乃安故以
本俗六條以安民也注釋曰云謂約椽攻堅風雨攸除
各有攸宇者此斯干美宣王之詩也案彼詩云約之閣
閣約謂搗土椽之橐橐椽謂築之橐橐用力是其約椽
攻堅攸所也能使風雨所除宇居也君子小人各有所
居引之者證美宮室也經云媿宮室明不使華美故以
攻堅解之云族猶類也同宗者生相近死相迫者案左

氏傳云非我族類其心必異族類是一故云族猶類也
經云族墳墓是死相迫明生時居住相近可知故鄭云
同宗者生相近死相迫也云聯猶合也兄弟昏姻嫁娶
也者案爾雅釋親云父之黨為宗族母與妻黨為兄弟
則兄弟之名施於外親為正又案喪服記兄弟皆在外
邦及與兄弟居彼皆據同宗小功已下知此兄弟是昏
姻非是同宗者見上云族墳墓是同宗明此兄弟施於
外姓昏姻故爾雅又云婦之黨為昏兄弟夫婦相名亦
為兄弟故曾子問曰不得嗣為兄弟是以知兄弟是昏
姻也云師儒鄉里教以道藝者以其鄉立庠州黨及遂
皆立序致仕賢者使教鄉閭子弟鄉閭子弟皆相連合
同就師儒故云聯師儒也又案保氏職掌養國子以道
故云教以道藝也云同師曰朋同志曰友者案學而篇
云有朋自遠方來是朋者在學之稱此友與朋連文則
亦是在學之稱且此朋友之文復在師儒之下但朋疏
而多友親而少故云同師曰朋同志曰友此朋友據在

學案尚書泰誓武王云我友邦冢君是謂諸侯為友洛
誥云孺子其朋謂羣臣為朋朋友之文所施廣矣鄭君
皆望文為義是以所注不同也云同猶齊也民雖有富
者衣服不得獨異者士已上衣服皆有采章庶人皆同
深衣而已故云民雖有富者
衣服不得獨異竝皆齊等也 正月之吉始和布教于邦

國都鄙乃縣教象之灋于象魏使萬民觀教象挾日而
斂之乃施教灋于邦國都鄙使之各以教其所治民注

正月之吉周正月朔日也司徒以布五教至正歲又書

教法而縣焉音義

縣音玄注同挾子協反

疏

釋曰正月之吉者謂建子之月一日也始

和者從十二教已下於此月之時始調和也政教皆有
故法依舊而行之言始和者若改造云爾其實不改

也始以對終對下縣之是在建寅之月為終也云布教於邦國都鄙者於此正月之時調和教典訖即布於邦國諸侯及畿內都鄙公卿大夫等云乃縣教象之法於象魏者言乃者緩辭是建寅之月乃縣教象之法於象魏闕上云使萬民觀教象者謂使萬民來就雉門象魏之處觀教象文書使知一年教法云挾日而斂之者縣之從甲至甲為挾日而後斂藏之於明堂月月乃更受而行之謂之聽朔者也云乃施教法於邦國都鄙者案太宰六典八法八則之等正月前陳之正月之下不復言施之者以其竝是當職之事故不復言所施此直言施教法於邦國都鄙則亦合上數事可知云使之各以教其所治民者若據邦國使諸侯教所治民若據都鄙則使公卿大夫教所治民注釋曰言正月朔日者周禮凡言正歲者則夏之建寅正月直言正月者則周之建子正月也吉者月朔也故云正月之吉周正月朔日也司徒以布五教者案太宰注云布王治之事於天下此

不言天下注文略邦國都鄙則亦天下也云至正歲又書教法而縣焉者釋經乃縣是正歲縣之必知縣在正歲者亦取義於小司徒云正歲則帥其屬而觀教法之象故知縣在正歲也

令五家為比使

之相保五比為閭使之相受四閭為族使之相葬五族為黨使之相救五黨為州使之相賙五州為鄉使之相賓注此所以勸民者也使之者皆謂立其長而教令使之保猶任也救救凶災也賓賓客其賢者故書受為授杜子春云當為受謂民移徙所到則受之所去則出之又云賙當為糾謂糾其惡立謂受者宅舍有故相受寄

託也。賙者謂禮物不備相給足也。閭二十五家族百家。

黨五百家。州二千五百家。鄉萬二千五百家。音義

比毗志反

下同。賙音周。

疏釋曰：此經說大司徒設比閭，至於州鄉足。劉子喻反。疏釋曰：此經說大司徒設比閭，至於州鄉

徒主六鄉，故令六鄉之內使五家為一比，則有下士為比。長主之使五家相保，不為罪過。五比為閭者，二十五

家為一閭。立中士為閭胥，使之相受者。閭胥使二十五家有宅舍破損者，受寄託。四閭為族，使之相葬者。百家

立一上士為族師，使百家之內有葬者，使之相助。益故云：使之相葬。五族為黨，使之相救者。五百家立一下大

夫為黨正，民有凶禍者，使民相救助。故云：使之相救。五黨為州，使之相賙者。二千五百家為州，立一中大夫為

州長。民有禮物不備，使賙給之。五州為鄉，使之相賔者。

萬二千五百家為鄉，立一六命卿為鄉大夫。鄉內之民

有賢行者則行鄉飲酒之禮賓客之貢舉也故云使之
相賓注釋曰云此所以勸民者也者此經相保相受相
救相賙相賓等皆是民間之事故云所以勸民也云使
之者皆謂立其長而教令使之者民不獨治必須君長
故云皆謂立其長而教令使之立長謂若比長閭胥至
鄉大夫等杜子春云當為受謂民移徙所到則受之所
去則出之者案比長職云五家相受相和親與此文同
皆謂一閭之內無出入之法比長職又云徙於國及郊
則從而授之注云徙謂不便其居也或國中之民出徙
郊或郊民入徙國中彼是出鄉閭外與此閭內有相容
受不同故後鄭易之以為宅舍有故相受寄託解之子
春又云賙當為糾謂糾其惡後鄭不從者此一經相保
相受之等皆是相勸為善無相糾惡之事故後鄭存賙
字謂禮物不備相給足解之云閭二十五家云云知之
者案此經五家為比五州為
鄉轉相增故其家數可知
頒職事十有二于邦國都

鄙使以登萬民一曰稼穡二曰樹藝三曰作材四曰阜
蕃五曰飭材六曰通財七曰化材八曰斂材九曰生材
十曰學藝十有一曰世事十有二曰服事注鄭司農云
稼穡謂三農生九穀也樹藝謂園圃毓草木作材謂虞
衡作山澤之材阜蕃謂數牧養蕃鳥獸飭材謂百工飭
化八材通財謂商賈阜通貨賄化材謂嬪婦化治絲枲
斂材謂臣妾聚斂疏材生材謂閒民無常職轉移執事
學藝謂學道藝世事謂以世事教能則民不失職服事

謂為公家服事者玄謂生材養竹木者音義

飭音勅注同賈音古

閒音疏釋曰大司徒主天下人民之數故頒下民之職

成萬民此經不言鄉遂及公邑者舉外以包內司徒親

主鄉遂公邑頒之可知云一曰稼穡已下至八曰斂材

已上即太宰九職中八者是也太宰既掌之此又重掌

者以太宰尊官總知其事此司徒是主民之官親自頒

行義各有異也云一曰稼穡者種之曰稼斂之曰穡二

曰樹藝者樹謂植木謂若樹之榛栗藝謂種黍稷謂若

藝麻如之何我藝黍稷之類是也案太宰有九職此八

曰斂財已上與太宰同太宰有九此唯八者太宰言任

萬民隨意所云故有九九曰閒民無常職轉移執事此

司徒云頒職事不可頒之使民轉移執事故闕之唯有

八也九曰生財已下加此四事者以其司徒主民此四

事者是民之事業及學問故別增之也注釋曰鄭司農

云稼穡謂三農生九穀也者自此已下至聚斂疏材皆與太宰同但文有詳略其言異耳九穀須稼穡故變言稼穡耳樹藝與園圃毓草木者同草木須樹藝故亦變言樹藝耳云作材謂虞衡作山澤之材者此文有詳略耳云阜蕃謂藪牧養蕃鳥獸者但養蕃不言阜此言阜字者欲見非直蕃息又使阜盛云飭材謂百工飭化八材者此亦文有詳略耳云通財謂商賈阜通貨賄者貨賄即財也亦文有詳略耳云斂材謂臣妾聚斂疏材者此亦文有詳略耳此八者之義已具釋於太宰故此亦不復重言云生材謂閒民無常職轉移執事者司農之意此閒民在第九當太宰九曰閒民無常職故以閒民解生材也但周公制禮太宰任民無常職於此頌職事不可頌無常職使民行之故後鄭易之以為養竹木解之云學藝謂學道藝者案保氏職云掌養國子以道乃教之六藝故以藝中兼有道也云世事謂以世事教能則民不失職者案管子書云工之子恒為工士之子恒

為士商之子恒為商農之子恒為農是以世事教民能則民不失職也云服事謂為公家服事者謂若府史胥徒庶人在官者是公家服事者也玄謂生材養竹木者此後鄭破司農之義案太宰事典云以生萬民小宰事職云以養萬民則知生為養山虞林衡別官則知此生材養竹木在於平地林衡所掌是也

以鄉三

物教萬民而賓興之一曰六德知仁聖義忠和二曰六行孝友睦婣任恤三曰六藝禮樂射御書數注物猶事也興猶舉也民三事教成鄉大夫舉其賢者能者以飲酒之禮賓客之既則獻其書於王矣知明於事仁愛人以及物聖通而先識義能斷時宜忠言以中心和不剛

不柔善於父母為孝善於兄弟為友睦親於九族姻親於外親任信於友道恤振憂貧者禮五禮之義樂六樂之歌舞射五射之法御五御之節書六書之品數九數

之計音義

知音智行下孟反姻音因

疏

釋曰物事也司徒主六鄉故以鄉中三事教鄉內之萬民

也興舉也三物教成行鄉飲酒之禮尊之以為賓客而舉之三物者則下一曰二曰三曰是也注釋曰云民三事教成鄉大夫舉其賢者能者以飲酒之禮賓客之既則獻其書於王矣者此竝鄉大夫職文云志明於事者謂於前事不惑若四十而不惑也云仁愛人以及物者仁者內善於心外及於物謂若行葦詩美成王云敦彼行葦牛羊勿踐履是愛人及於葦葦即物也云聖通而先識者案襄二十二年臧武仲如晉雨過御叔御叔在

邑將飲酒曰焉用聖人何休云說左氏傳者曰春秋之志非聖人孰能脩之言夫子聖人乃能脩之御叔謂臧武仲為聖人是非獨孔子玄箴之曰武仲者述聖人之道魯人稱之曰聖今使如晉過御叔御叔不說學見武仲而雨行傲之云焉用聖人為左氏傳載之者非御叔不說學不謂武仲聖與孔子同若然此云聖亦與武仲同皆是述聖人之道云義能斷時宜者義宜也謂斷割合當時之宜也云忠言以中心者此以字解之如心曰恕如下從心中心曰忠中下從心謂言出於心皆有忠實也云和不剛不柔者謂寬猛相濟者也云善於父母為孝善於兄弟為友彼不言於此鄭云善於父母善於兄弟言於者凡言孝友非直甘肴先奉昏定晨省而已謂若禮記祭義云孝者先意承志諭父母於道國人稱之曰幸哉有子若是如此美行乃所為父母兄弟之善故鄭云善於父母為孝善於兄弟為友也云睦親於九族者

堯典云九族既睦是睦親於九族也九族者上至高祖下至玄孫旁及總麻之內也云姻親於外親知姻是親於外親者上云睦施於九族明此姻是親於外親也左傳云士踰月外姻至亦據外親之等外親者則妻族母族是也此姻對睦施於外親若不對睦亦施於內親故論語云因不失其親喪服傳云與因母同此皆施於內親也云任信於友道者謂朋友有道德則任信之故論語云信則人任焉是也云恤振憂貧者者恤訓為憂振訓為救故知恤振憂貧者也云禮五禮之義自此已下至九數皆取義於保氏案保氏職掌養國子以道教之六藝一曰五禮二曰六樂三曰五射四曰五御五曰六書六曰九數案彼注云五禮者玄謂吉凶賓軍嘉六樂者玄謂雲門大咸大韶大夏大濩大武五射者先鄭云白矢參連剡注襄尺并儀五御者先鄭云鳴和鸞逐水曲過軍表舞交衢逐禽左六書者先鄭云象形會意轉注處事假借諧聲九數者先鄭云方田粟米差分少廣

商功均輸方程贏不足旁要此九章之術是也彼注又云今有重差夕桀句股此經直陳六藝保氏各有其數故注保氏具釋之注此直取保氏經以釋之五禮言義者以其吉凶之等各有其義樂言歌舞者以其作樂時有升歌下舞射言法者以其有升降揖讓之法御言節者四馬六轡有進退之節書言品者形聲處事差品不同數言計者有多少以鄉八刑糾萬民一曰不孝之刑

二曰不睦之刑三曰不婣之刑四曰不弟之刑五曰不任之刑六曰不恤之刑七曰造言之刑八曰亂民之刑注糾猶督察也不弟不敬師長造言訛言惑衆亂民亂名改作執左道以亂政也鄭司農云任謂朋友相任恤

謂相憂音義

弟音悌

疏

釋曰上設三物教萬民有不從教者則設刑以刑之故言以

鄉八刑糾萬民也云一曰不孝之刑者有不孝於父母者則刑之孝經不孝不在三千者深塞逆源此乃禮之通教二曰不睦之刑者不相親睦亦刑之三曰不婣之刑者不親兼戒凡品故不孝有刑也於外親亦刑之四曰不弟之刑者謂不敬師長亦刑之五曰不任之刑者謂不信任於朋友亦刑之六曰不恤之刑者謂見災危而不憂恤亦刑之七曰造言之刑者有造浮偽之言者亦刑之八曰亂民之刑者謂執左道亂政則刑之注釋曰云糾猶割察也者謂察取鄉中八種之過斷割其罪云不弟不敬師長者此不弟即上六行友是也上文在睦婣之上此變言弟退在睦婣之下者上言友專施於兄弟此變言弟兼施於師長故退在睦婣之下云造言說言惑眾者案王制行偽而聖言偽而辯與此造言一也是說言惑眾也云亂民亂名改作執左道以亂政也

者亂名已下皆王制文案彼注亂名改作謂變易官與物之名更造法度左道若巫蠱及俗禁竝是亂政之民也上三物有六德六行六藝六德六藝不設刑獨於六行設刑者鄭注師氏云在身為德施之為行德為在身不施於物六藝亦是在身之能不施於人故二者不設刑其行竝是施之於人故禁其恐有愆負故設刑以防之也造言亂民中特害以五禮防萬民之偽而教之故六行之外別加此二刑

中注禮所以節正民之侈偽使其行得中鄭司農云五

禮謂吉凶賓軍嘉疏

釋曰以五禮防萬民之偽而教之中者案禮記樂記云禮者著誠去

偽故以禮防萬民之偽而教之使得中正也注釋曰禮者辨尊卑別貴賤皆有上下之宜不得奢侈僭偽故云禮所以節正民之侈偽也使其行得中者上不逼下下不僭上得其中正是也鄭司農云五禮謂吉凶賓軍嘉

者春官大宗伯文也

以六樂防萬民之情而教之和注樂所以蕩

正民之情思使其心應和也鄭司農云六樂謂雲門咸

池大招大夏大濩大武音義

思悉吏反應應對之應招上朝反本亦作韶濩音護

本亦疏

釋曰案樂記云大樂與天地同和孝經云移風易俗莫善於樂故大司徒以六樂防萬民之情

而教之使應和也注釋曰案樂記云在閨門之內父子

兄弟同聽之莫不和親故云樂所以蕩正民之情思使

其心應和也鄭司農云六樂雲門已下皆大司樂文至

彼具釋案前云六藝禮樂射御書數不覆申射御書數

而獨申禮樂二事者化民以禮樂為急故樂記云心中

斯須不和不樂而鄙詐之心入之矣外貌斯須不莊不

敬而易慢之心入之矣故樂也者動於內者也禮也者

動於外者也是致禮樂以治外內之急也又孝經云安

上治民莫善於禮移風易俗莫善於樂
是禮樂為化民之急也故特言禮樂耳
凡萬民之不服

教而有獄訟者與有地治者聽而斷之其附于刑者歸

于士注不服教不厭服於十二教貪冒者也爭罪曰獄

爭財曰訟有地治者謂鄉州及治都鄙者也附麗也士

司寇士師之屬鄭司農云與有地治者聽而斷之與其

地部界所屬吏共聽斷之士謂主斷刑之官春秋傳曰

士榮為大士或謂歸于圜土圜土謂獄也獄城圜音義

治直吏反注及下正治并注同斷疏釋曰上以禮樂化
丁亂反注同厭於陟反或於驗反民而萬民不厭服



十二教則鬪爭起有獄訟者將斷割之時恐其獄訟不
審故與其有地治者謂治民之官共聽而斷之若有小
罪則司徒決之其附於五刑則歸於士使秋官士師之
等斷之注釋曰云不服教不厭服於十二教貪冒者也
者上以十二教教民使不貪冒其民有不厭服於十二
教即是貪冒之人也厭有二種有嫌厭有厭厭之厭謂
若祭禮有陰厭之類是也此言不厭服十二教者謂不
厭厭服行十二教也又云爭罪曰獄爭財曰訟者案秋
官大司寇云以兩造禁民訟以兩劑禁民獄獄訟相對
故獄為爭罪訟為爭財若獄訟不相對則爭財亦為獄
其義具在秋官釋之云有地治者謂鄉州及治都鄙者
也者司徒主六鄉明知有鄉州也案上經布教於都鄙
明地治之內兼有都鄙可知云附麗也者案秋官云麗
於法案尚書呂刑越茲麗刑故以附為麗云士司寇士
師之屬者案秋官有士師鄉士遂士縣士竝主獄訟之
事故云士師之屬也司農云春秋傳曰者僖公二十八

年衛侯出奔及其反國誤射殺弟叔武元咺訴於晉衛侯與元咺訟晉使士榮為大士而聽斷之引此者欲見有獄必有訟有訟者不必有獄故彼是爭罪之事而言衛侯與元咺訟云或謂歸於圜土圜土謂獄也者司農之意此經士或為土字因即解土為圜土圜土即獄也云獄城圜者更解圜土之意圜土之義具在秋官司圜也

也鄭司農云羞進也肆陳骨體也玄謂進所肆解骨體

士喪禮曰肆解去蹄音義肆託歷反注肆解肆去疏釋

云祀五帝者謂四時迎氣於四郊及總享五帝於明堂既大司徒奉牛牲又云羞其肆者羞進也肆解也謂於俎上進所解牲體於神座前注釋曰鄭解司徒奉牛之意故云牛能任載地類也故屬地官司徒鄭司農云羞

進也肆陳骨體也者骨體肩臂脊脅之屬司農以肆為
四音讀之故云肆陳也謂陳牲體於俎上即體解折節
為二十一體是也故云陳骨體也玄謂進所肆解骨體
者後鄭之意以肆為適音讀之肆解骨體者為七體解
之故引士喪禮曰肆解去蹄案士喪禮曰特豚四鬣去
蹄彼注云四解之殊肩髀彼言殊肩髀與此骨體一也
但彼云四鬣此云肆解其字不同者鄭直以義讀之非
彼正文此云解當彼鬣也後鄭必不從先鄭為肆陳骨
體為二十一體者案禮運云腥其俎孰其穀彼注云腥
其俎謂豚解而腥之也孰其穀謂體解而爛之祭祀之
法先豚解後體解經云奉牛牲謂初牽入時即言羞其
肆明先豚解又案國語禘郊之事則有全烝明知不得
先有體解若然則禘郊之事先全烝始後豚解也若宗
廟之祭則無全烝先豚解次體解禮運所云者是也

享先王亦如之疏

釋曰享先王不辨祭之大小彼大宗
伯四時及禘祫六者皆稱享云亦如

之者亦如上記五帝奉牛牲羞其肆
又不言祭地者祭地之禮與天同

大賓客令野脩道

委積注

令令遣人使為之也少曰委多曰積皆所以給

賓客疏

釋曰案大行人諸侯朝稱賓卿大夫來聘稱客
彼對文例散文賓客通此云大賓客者唯據諸

侯來朝大司徒令積人於野路之上脩治道塗及委積
芻薪米禾之等以待賓客注釋曰云令令遣人使為之
也少曰委多曰積者案遣人云十里有廬廬有飲食三
十里有宿宿有路室路室有委五十里有候館候館有
積故知
義然也
大喪帥六鄉之衆庶屬其六引而治其政令注

衆庶所致役也鄭司農云六引謂引喪車索也六鄉主

六引六遂主六紼音義

引如字又音
紼音弗

疏

釋曰大喪謂王
喪至七月而葬

大司徒帥六鄉之衆庶取一千人屬其六引挽柩鄉壙而治其政令者大司徒則檢校挽柩之事注釋曰云衆庶所致役也者但六鄉七萬五千家進取一千人致之使為挽柩之役故云所致役也司農云六鄉主六引則此經是也云六遂主六紼者案遂人職云大喪帥六遂之役而致之掌其政令及葬帥而屬六紼在棺曰紼見繩體行道曰引見用力主文以見義也大軍旅大田役以旗致萬民而治

其徒庶之政令注旗畫熊虎者也徵衆刻日樹旗期於

其下疏

釋曰凡征伐田獵所用民徒先起六鄉之衆故云大軍旅大田役以旗致萬民司徒主六鄉因

即治其徒庶之政令注釋曰案司常云熊虎為旗故鄭云旗畫熊虎者也云徵衆刻日樹旗期於其下者凡起徒役不令而誅謂之虐故徵衆庶預刻集日至日樹旗期民於其下衆皆至弊旗誅後至者也若國有

大故則致萬民於王門令無節者不行於天下注大故

謂王崩及寇兵也節六節有節乃得行防姦私疏釋曰若國

有大故者大故是非常之事故言若也則致萬民於王門者以待任用故也云令無節者不行於天下者大故之時恐有姦寇節者用為行道之信故無節者不行於天下所以防姦私也注釋曰言大故知是王崩及寇兵者下經別云大荒大札故知大故中有王崩寇兵二事也云節六節者謂掌節山國用虎節土國用人節澤國用龍節門關用符節貨賄用璽節道路用旌節也

大荒大札則令邦國移民通

財舍禁弛力薄征緩刑注大荒大凶年也大札大疫病也移民辟災就賤其有守不可移者則輸之穀春秋定

五年夏歸粟於蔡是也音義

札側疏

釋曰大荒謂大凶年大札謂大疫病

則令邦國者謂令天下諸侯邦國也移民通財者此謂兩事移民謂分口往就賤財是米穀也其有留守不得去者則賤處通穀米與之舍禁者謂山澤之內舊遮禁不聽人入者令皆舍而不禁容民取蔬食也弛力者謂弛力役之事薄征者若據大荒則全無征稅今言薄征者容有小荒仍有征稅案司稼注云豐年從正凶荒則損若今十傷二三實除減半者也緩刑者謂有刑罰寬而放之注釋曰大荒大凶年也者謂若曲禮云歲凶年穀不登言大者穀梁云五穀不熟謂之大侵與此一也大札大疫病也者謂若左氏傳云天昏札瘥云其有守不可移者則輸之穀者釋經通財也又引春秋定五年夏歸粟於蔡是也者案彼傳定四年楚瓦伐蔡五年夏歸粟於蔡彼雖非荒札之事直

取歸粟一道證經通財之義

歲終則令教官正治而

致事注歲終自周季冬也教官其屬六十正治明處其

文書致事上其計簿音義

上時掌反簿浦戶反後同

疏釋曰歲終則令教官者其

屬六十官也云正治而致事者謂正直治理其文書不得濫失以為公狀然後致其職事以待考注釋曰知歲終是周季冬者以其正月之吉始和是周之歲始明此致事之時亦是周之歲終云致事上其計簿者漢時考吏謂之計吏計吏據其使人也此言計簿據其文書也

正歲令于教官曰各共爾

職脩乃事以聽王命其有不正則國有常刑注正歲夏

正月朔日疏

釋曰正歲令于教官者以其歲始當除舊布新各共爾之職脩汝之事爾乃皆汝也

以聽王命者聽待也其不正則國有常刑者謂文書不正直而濫失則有常刑常刑者謂二千五百條各依輕

重而受刑法注釋曰周禮上下凡言正歲者皆是夏之
正月又知是朔日者以其正月之吉是朔日此雖不言
之吉亦是朔日
為始可知也

周禮注疏卷十

周禮注疏卷十考證

大司徒之職以天下土地之圖疏案職方九州皆有川
○有監本訛直今改正

而辨其邦國都鄙之數疏墳即塚埒○墳監本訛壇今
改正

以土會之灋音義鱗劉本作鱣○字書無鱣字疑誤又
疏臞脉瘠也○脉監本訛脉今改爾雅改正

因此五物者注愉謂朝不謀夕○愉監本訛作偷今改

正

以土宜之灋疏星土星所主土○主監本訛生今据保
章氏注改正

日至之景疏注云是時周公居攝五年○此句監本訛
在上文惟三月丙午朏之下越三日戊申之上經注
錯雜今訂正

凡建邦國疏其子男受地又少其稅轉少故四分之三
乃足其國○各本脫三字今据上文公侯伯之差次

補之

又度支經用似國家喪紀所用○臣紱案國家下疑

當有祭祀賓客等字

又據成同而言三耳自餘五同七同已上其義可知也○成同監本訛成周今改正

以荒政十有二聚萬民疏注云豐年從正凶荒則損○
凶荒則損監本作儉有所殺誤臣人龍按此係司稼

注今據彼改之或謂此疏與下大荒大札節疏兩引

此文皆作儉有所殺不應全誤或唐時注本有別或賈氏以意易之與

又司樂凶荒別文者○樂監本訛作農周官無司農而所引是大司樂文今改正

以保息六養萬民疏案鄉大夫職國中七尺野自六尺以下皆不從征○監本脫以下二字今據原文補之以鄉三物教萬民而賓興之注姻親於外親○姻當依

經文作媼

歲終注歲終自周季冬也○自疑訛

周禮注疏卷十考證

謹案第三頁後六行疏鞏之戰刊本鞏訛鞏據左
傳改

第七頁前一行疏揚且之哲刊本揚訛楊據詩經
改

第八頁後八行疏故號鄉射飲酒刊本射訛社今
改

第十五頁前一行疏據中表之西表刊本據訛為
今改

第十八頁後六行注土田附庸刊本田訛地據詩


經改

第二十五頁後一行疏宅嶠夷刊本嶠訛隅據尚

書改

第四十二頁後七行夏歸粟於蔡刊本歸訛輸據

鄭注改



覆校官編修臣劉種之

校對官檢討臣季學錦

謄錄監生臣繆引吉

欽定四庫全書叢要

經部
周禮注疏卷十一



詳校官原任侍講_臣王燕緒

欽定四庫全書蒼薈要卷一千八百六十四

經部

周禮注疏卷十一

漢鄭氏注 唐陸德明音義 賈公彥疏

小司徒之職掌建邦之教法以稽國中及四郊都鄙之
判家九比之數以辨其貴賤老幼廢疾凡征役之施舍
與其祭祀飲食喪紀之禁令注稽猶考也夫家猶言男
女也鄭司農云九比謂九夫為井玄謂九比者冢宰職
出九賦者之人數也貴謂為卿大夫賤謂占會販賣者

廢疾謂癘病也施當為弛音義

比毗志反注下
皆同施式氏反

疏釋曰

徒副貳大司徒之事大司徒已掌十二教故此小司徒又掌建邦之教法言建者非但副貳大司徒亦得專其事云以稽國中及四郊都鄙者大司徒掌邦國都鄙此小司徒亦掌之稽考也故亦考其國中及四郊但國中與四郊皆是六鄉之民所居也併言都鄙者司徒是主土地之官故亦兼主采地之法云之夫家九比之數者謂國中及四郊都鄙之內夫家男女九賦校比人民之數云辨其貴賤老幼廢疾者辨猶別也謂別其貴賤老幼廢疾合科役者科役之云凡征役之施舍者征謂稅之役謂繇役施舍者貴與老幼廢疾不科役故言弛也云與其祭祀者謂鄉中州祭社黨祭族祭酺飲食者謂若行鄉飲酒及族食喪紀者謂若四閭為族使之相葬之等禁令者祭祀已下皆有禁令不使失禮法注釋曰夫家猶言男女者祭已下皆有禁令不使失禮法注釋

室女有家婦人稱家故以家為女鄭司農云九比謂九夫為井後鄭不從者以經掌國中及四郊即是六鄉之內但鄉與公邑竝為溝洫無井田之法故後鄭不從玄謂九比者冢宰職出九賦者之人數也者案太宰云九賦斂財賄一曰邦中之賦二曰四郊之賦三曰邦甸之賦四曰家稍之賦五曰邦縣之賦六曰邦都之賦與此文國中四郊都鄙其事相當故知此九比出九賦者之人數云貴謂為卿大夫賤謂占會販賣者鄭解諸文貴賤相對皆以為貴謂卿大夫賤謂士獨此賤為占會販賣者以此經論九賦之事案太宰九賦有幣餘之賦幣餘謂占賣國之斥幣此經貴與老幼廢疾皆施舍無賦唯此賦當彼幣餘之賦故為販賣者解之云施當為弛者周禮上下但言為弛舍者乃頒比灋于六鄉之大夫經皆為施字鄭皆破從弛

使各登其鄉之衆寡六畜車輦辨其物以歲時入其數

以施政教行徵令注登成也成猶定也衆寡民之多少

物家中之財歲時入其數若今四時言事音義

畜許又反後六

畜皆疏釋曰言乃頒比灋于六鄉之大夫者比灋謂若

同下經五人為伍五伍為兩是也六鄉大夫皆六

命卿為之小司徒為校比之灋頒于六鄉大夫又云使

各登其鄉之衆寡六畜車輦者衆寡據人民六畜者馬

牛羊豕犬雞車謂革車及大車輦人挽行又辨其物者

謂辨其家中財物多少以歲之四時具錄其數入小司

徒以施政教者小司徒所施政教依其數而施行之云

以行徵令者以徵索於民及所施政令亦據民物等數

而行之故云行徵令也注釋曰云登成也成猶定也者

人畜衆寡其數不恒家家條錄數而比之則得成故登

為成也定也云衆寡民之多少者謂六口已上為多五

口已下為少云物家中之財者經既言六畜車輦下別

云辨其物明物是家中之財云歲時入其數若今四時
言事者漢承周後皆四時入其數今時日役簿皆在於
冬代異時殊故有革別也及三年則大比大比則受邦國之比要注

大比謂使天下更簡閱民數及其財物也受邦國之比

要則亦受鄉遂矣鄭司農云五家為比故以比為名今

時八月案比是也要謂其簿疏釋曰三年一閏天道有成及至也每至三年則

大案比戶口大比之時則天下邦國送要文書來入小
司徒故大比則受邦國之比要也注釋曰云大比謂使
天下更簡閱民數及其財物也者上經頒比法每歲之
四時簡閱衆寡及其物等此經三年大比并天下邦國
而言故鄭云大比謂使天下更簡閱民數及其財物鄭
不言六畜車輦者文略亦簡閱可知云受邦國之比要

則亦受鄉遂矣者此經但受邦國比要上經直言頒比法於六鄉以歲時入其數不言三年大比故知此文舍鄉遂也故云亦受鄉遂矣鄭司農云五家為比故以比為名者凡言比者是校比之言但五家為比者案比之法從少至多以五家為始故以比為名云今時八月案比是也者漢時八月案比而造籍書周以三年大比未知定用何月故司農以漢法八月况之云要謂其簿者謂若今之造籍戶口地宅具陳於簿也乃會萬

民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦注用謂使民事之伍兩卒旅師軍皆衆之名兩二十五人卒百人旅五百人師二千五百人軍萬

二千五百人此皆先王所因農事而定軍令者也欲其
恩足相恤義足相救服容相別音聲相識作為也役功
力之事追逐寇也春秋莊十八年夏公追戎于濟西胥
伺捕盜賊也貢嬪婦百工之物賦九賦也鄉之田制與

遂同音義

卒子忽反注及下皆同別彼列反

疏

釋曰小司徒佐大司徒以掌六鄉六軍之士出

自六鄉故預配卒伍百人為卒五人為伍也而用之者即軍旅田役是也五人為伍者下文云凡起徒役無過家一人六鄉之內有比閭族黨州鄉一鄉出一軍六鄉還出六軍今言五人為伍者五家為比家出一人則是

一比也在家為比在軍為伍伍者聚也五伍為兩者在鄉五比為閭閭二十五家也在軍五伍為兩兩二十五

人也四兩為卒者在鄉四閭為族族百家也在軍四兩為卒卒百人也五卒為旅者在鄉五族為黨黨五百家在軍五卒為旅旅五百人也五旅為師師者在鄉五黨為州州二千五百家在軍亦五旅為師師亦二千五百人也五師為軍軍者在鄉五州為鄉鄉萬二千五百家在軍五師為軍軍亦萬二千五百人也以起軍旅者謂征伐也以作田役者謂田獵役作皆是也以比追胥者追謂逐寇胥謂伺捕盜賊以令貢賦者依鄉中家數而施政令以貢賦之事注釋曰用謂使民事之者謂使人為事即軍旅田役是也云兩二十五人已下案經五人為伍轉相增數從五人為伍至五師為軍數可知也云此皆先王所因農事而定軍令者也者案管子書云因內政寄軍令謂在鄉五家為比以營農事比長領之及其出軍家出一人五人為伍則為伍長領之在家閭胥領一閭在軍則為兩司馬領之在家為族師在軍為卒長在家為黨正在軍為旅師在家為州長在軍為師帥在鄉

為大夫在軍為軍將自伍長已上全與此文不同者鄭君以義言之非彼正文也云欲其恩足相恤至音聲相識言此者解因內政寄軍令之意不使異人間雜於中也云役功力之事者鄭意欲解經文役與田不同也云追逐寇也又引春秋莊公十八年夏公追戎于濟西者案彼傳戎侵魯魯公追之出境服氏云桓公為好莊公獨不能脩而見侵濟西曹地穀梁云其不言戎之伐我何也以公之追之不使戎適於我也于濟西者大之也引之者證追是逐寇也云胥伺捕盜賊也者以追既為逐寇胥為伺捕盜賊可知云貢嬪婦百工之物者案太宰九職之貢有九此貢獨云嬪婦百工二者此六鄉之貢不論地事則所令之貢亦不及地貢也故以此二事當之云賦九賦也者案太宰九職一曰邦中二曰四郊二者之賦在六鄉之內此經既論六鄉之賦不得有三曰邦甸已下若然此唯有二賦而云九賦者二賦是九賦中物故總云九賦也云鄉之田制與遂同者此經之

內不見田制案遂人職云夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路是其遂制也故云鄉之田制與遂同案鄭注遂之軍法如六鄉者以其遂內不見出軍之法唯有田制而已故知遂之軍法如六鄉若然彼此各舉一邊互見為義乃均土地以稽其

人民而周知其數上地家七人可任也者家三人中地家六人可任也者二家五人下地家五人可任也者家二人注均平也周猶徧也一家男女七人以上則授之以上地所養者衆也男女五人以下則授之以下地所養者寡也正以七人六人五人為率者有夫有婦然後

為家自二人以至於十為九等七六五者為其中可任

謂丁強任力役之事者出老者一人其餘男女強弱相

半其大數音義

徧音遍七人疏釋曰言乃均土地者以

人民之數故制上地下地等使得均平故云均土地也
云以稽其人民者既給土地則據土地計考其人民可
任不可任之事云而周知其數者而周徧知其人數云
上地家七人者凡給地有九等此據中地三等而中地
之上所養者七人云可任也者家三人者七人之中一
人為家長餘六人在強弱半強而可任使者家三人云
中地家六人者此謂中地之中所養者家六人云可任
也者二家五人者六人之內一人為家長餘五人在強
弱半不可得言可任者二人半故取兩家併言可任者
二家五人云下地家五人者謂中地之下所養者五人

云可任也者家二人者五人之內一人為家長餘四人在強弱半故云可任者家二人注釋曰云正以七人六人五人為率者有夫有婦然後為家自二人以至於十為九等七六五者為其中者案王制百畝之分上農夫食九人其次食八人其次食七人其次食六人其次食五人彼言五等此云七六五三等其人不同故鄭為九等計之此經皆云家故鄭云有夫有婦乃成家從此二人為一等至十人則為九等自二人三人四人五是下地之三等也五人六人七人是中地之三等八人九人十人是上地之三等此經唯言七六五者據中地之三等則知有上地上下地之三等故鄭云七六五者為其中若然王制不云上上之地食十人又不云其次食四人其次食三人其次食二人直言自九以至五不言九等者彼欲取下士視上農夫食九人自府史胥徒四者食八人七人六人五人五等人與此五等農夫相當故不言其餘四者又襄公二十五年楚為掩書土田度山林鳩

藪澤辨京陵表淳鹵數疆潦規偃豬町原防牧隰臯井
衍沃以授子木禮也此九等是楚之地善惡有九等與
此不同鄭注尚書云賦之差上上出九夫稅上中出八
夫稅為九等者以九州出賦多少不同有九等故鄭君
以井田美惡為九等計之非是貢地之差也云出老者
一人其餘男女強弱相半其大數者但一家之內二人
至十人或男多女少或女多男少不可齊準今皆以
強弱半者周公設法據其大數故鄭云其大數也凡

起徒役毋過家一人以其餘為羨唯田與追胥竭作注

鄭司農云羨饒也田謂獵也追追寇賊也竭作盡行音

義母音無羨疏釋曰云凡起徒役毋過家一人者謂起

淺面反

民徒役作之母過家一人以其餘為羨

者一家兄弟雖多除一人為正卒正卒之外其餘皆為
羨卒云唯田與追胥竭作者田謂田獵追謂逐寇胥謂

伺捕盜賊竭盡也作行也非直正卒一人羨卒盡行以其田與追胥之人多故也此謂六鄉之內上劑致厖一人為正卒其餘皆為羨卒若六遂之內以下劑致厖一人為正卒一人為羨卒其餘皆為餘夫饒遠故也凡

用衆庶則掌其政教與其戒禁聽其辭訟施其賞罰誅

其犯命者注命所以誓告之疏

釋曰言凡用衆庶者即上經所云是也其衆庶

皆是六鄉之民小司徒主教六鄉六鄉衆是已民故用衆庶之時則掌其政教與其戒禁又聽斷其賞罰又誅責犯命者注釋曰所誓告者謂若大司馬羣吏聽誓於陳前司徒北面以誓之小子斬牲左右以狗陳曰不用命者斬之是其凡國之大事致民大故致餘子注大事誓告之事也

謂戎事也大故謂災寇也鄭司農云國有大事當徵召

會聚百姓則小司徒召聚之餘子謂羨也玄謂餘子卿

大夫之子當守於王宮者也疏

釋曰凡國之大事者謂有兵戎之大事出征之

時云致民者謂有兵戎大事於六鄉之內發起民徒云大故致餘子者謂有災寇之事餘子卿大夫之子弟當大故之時則致餘子與太子使宿衛也注釋曰知大事謂戎事者見左氏成公傳云國之大事在祀與戎此言致民明非祭祀是戎事可知故云大事謂戎事也云大故謂災寇也者經云致餘子明大故非王喪是水火之災及其兵寇司農云餘子謂羨也者以其羨卒唯田與追胥竭作乃使之此經大故不合使羨故鄭不從之玄謂餘子卿大夫之子當守於王宮者也知義然者以經云大故當宿衛王宮案書傳云餘子皆入學則餘子不得為羨是宿衛之人故云餘子卿大夫乃經土地而井

之子當守於王宮者也是破司農之義

乃經土地而井

牧其田野九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事注此謂造都鄙也采地制井田異於鄉遂重立國小司徒為經之立其五溝五塗之界其制似井之字因取名焉孟子曰夫仁政必自經界始經界不正井地不均穀祿不平是故暴君姦吏必慢其經界經界既正分田制祿可坐而定也鄭司農云井牧者春秋傳所謂井衍沃牧隰臯者也玄謂隰臯之地九夫為牧二牧而當一井今

造都鄙授民田有不易有一易有再易通率二而當一
是之謂井牧昔夏少康在虞思有田一成有衆一旅一
旅之衆而田一成則井牧之法先古然矣九夫為井者
方一里九夫所治之田也此制小司徒經之匠人為之
溝洫相包乃成耳邑丘之屬相連比以出田稅溝洫為
除水害四井為邑方二里四邑為丘方四里四丘為甸
甸之言乘也讀如衷甸之甸甸方八里旁加一里則方
十里為一成積百井九百夫其中六十四井五百七十

六夫出田稅三十六井三百二十四夫治洫四甸為縣
方二十里四縣為都方四十里四都方八十里旁加十
里乃得方百里為一同也積萬井九萬夫其四千九十
六井三萬六千八百六十四夫出田稅二千三百四井
一萬七百三十六夫治洫三千六百井三萬二千四百
夫治澮井田之法備於一同今止於都者采地食者皆
四之一其制三等百里之國凡四都一都之田稅入於
王五十里之國凡四縣一縣之田稅入於王二十五里

之國凡四甸一甸之田稅入於王地事謂農牧衡虞也
貢謂九穀山澤之材也賦謂出車徒給繇役也司馬法
曰六尺為步步百為晦晦百為夫夫三為屋屋三為井
井十為通通為匹馬三十家士一人徒二人通十為成
成百井三百家革車一乘士十人徒二十人十成為終
終千井三千家革車十乘士百人徒二百人十終為同
同方百里萬井三萬家革車百乘士千人徒二千人音

義

甸繩證反出注注同夫音扶少詩照反洹况疏釋曰
通反為除于偽反乘繩證反下同澮古外反此小

司徒佐大司徒掌其都鄙都鄙則三等采地是也匠人營溝洫於田掌其經界故云乃經土地經謂為之里數在土地之中立其里數謂井方一里邑方二里之等是也云而井牧其田野者井方一里兼言牧地是次田二牧當上地一井授民田之時上地不易家百畝中地一易家二百畝下地再易家三百畝通率三家受六夫之地一家受二夫與牧地同故云井牧其田野此與下為總目云九夫為井者井方一里九夫之田四井為邑者邑方二里四邑為丘者丘方四里四丘為甸者甸方八里旁加一里則為十里之成今不言十里成而言八里甸者成間有洫井間有溝旁加一里者使治溝洫不出稅舉其八里之甸據實出稅者而言四甸為縣者縣方十六里四縣為都都方三十二里以任地事者謂若太宰九職任萬民謂任役萬民使營地事云而令貢賦者貢則九職之貢賦謂軍賦出車徒之等云凡稅斂之事者采地之中皆為井田之法一井之田一夫稅入於官

故云稅斂之事注釋曰鄭知此謂造都鄙者鄉遂公邑之中皆為溝洫之法此經為井田之法故知謂造都鄙也云采地制井田異於鄉遂者案遂人夫間有遂之等是溝洫法鄉之田制與遂同此經與匠人為井田法其制與鄉遂不同故云采地制井田異於鄉遂也此雖不言異於公邑公邑亦與遂同故注匠人云異於鄉遂及公邑是也云重立國小司徒為經之立其五溝五塗之界者此鄭意匠人於都鄙之中營造溝洫此小司徒又經之立五溝五塗之界則經丘甸縣都並據境界而言但此都鄙是畿內之國小司徒與匠人共掌之云其制似井之字因取名焉者此解經井字謂正方一里之內方三百步百步為一截縱亦二截橫亦二截則為九夫夫各百步其中為井字故云似井字因取名焉名為井田也云孟子曰已下至坐而定也者案孟子滕文公使大夫畢戰問孟子井田之法孟子對此辭孟子云經界者則此經九夫為井已下四縣為都以上故引以證之

鄭司農云井牧者春秋傳所謂井衍沃隰臯者也司
農引春秋者襄公二十五年楚蔣掩書土田之事井衍
沃者衍沃謂上地下平曰衍饒沃之地九夫為一井牧
隰臯者下溼曰隰近臯澤之地司農之意經有井牧故
引以當之立謂隰臯之地九夫為牧二牧而當一井今
造都鄙授民田有不易者家百畝有一易者家二百畝
有再易者家三百畝通率二而當一者是三家受六夫
之地是隰臯之地二牧始當一井故云二而當一云是
之謂井牧者此就足司農之義云昔夏后少康在虞思
有田一成有衆一旅者此是哀公元年左氏傳伍員云
昔過澆滅夏后相后緡方娠逃出自竇歸於有仍生少
康焉為仍牧正澆使椒求之逃奔有虞為之庖正虞思
於是妻之以二姚而邑諸綸有田一成有衆一旅是其
事也言有田一成有衆一旅者則地以上中下為率以
為其成方十里九百夫之地一旅五百夫故知是通率
之通率之法正應四百五十人言一旅舉成數也亦容

不易者多云一旅之衆而田一成則井牧之法先古然矣者鄭言此者井牧之法自夏而有非祇於周云九夫為井者方一里九夫所治之田也者一井之內地有九夫假令盡是上地不易家有百畝中一夫入於公四畔八夫家治百畝尚無九夫所治况其中或有一易再易所取數更少今鄭云方一里九夫所治之田鄭據地有九夫而言非謂有九家也云此制小司徒經之者即此文乃經土地是也云匠人為之溝洫者案匠人云井間有溝成間有洫同間有澮是匠人為之溝洫也云相包乃成耳者司徒立其界匠人為其溝相包含乃成其事耳云邑丘之屬者之屬中含甸及縣都云相連比以出田稅者從井邑至縣都從內向外界相連比井稅一夫故言以出田稅云溝洫為除水害者尚書益稷云澮畎澮距川是其從畎遂溝洫次第入澮入川故云為除水害也云四井為邑方二里四邑為丘方四里四丘為甸甸之言乘也者欲見甸中出長轂一乘云讀如衷甸

之甸者案哀十七年衛侯為虎幄於藉圃成求令名者而與之始食焉太子請使良夫良夫乘衷甸兩牡紫衣狐裘而至袒裘不釋劔而食太子數之三罪而殺之鄭依此而言也引之者證甸得為乘之義云甸方八里旁加一里則方十里為一成者欲就匠人解之匠人云成方十里此言四丘為甸甸與成其實一也故鄭覆解成與甸相表裏之意云積百井九百夫者但一成之內方十里開方之得百井井有九夫故云九百夫云其中六十四井五百七十六夫出田稅者此就甸方八里而言八里之內開方之八八六十四故云六十四井井有九夫故五百七十六夫井稅一夫故云出田稅云三十六井三百二十四夫治洫者此據甸方八里之外四面加一里為成而言成有百井中央八里除六十四井餘有三十六井井有九夫故三百二十四夫治洫不使稅鄭言此者見經四丘為甸據實出稅而言故不言成也若然方里為井井間有溝溝廣四尺深四尺方十里為成

成間有洫廣八尺深八尺治溝洫者皆不出稅獨言治
洫者據外而言其實治溝亦不出稅總在六十四井之
內以洫言之矣云四甸為縣方二十里者甸方八里縣
應方十六里云方二十里據通治洫旁加一里為成而
言云四縣為都方四十里者縣方二十里四縣為都故
方四十里云四都方八十里者自此已上竝據通治洫
而言云旁加十里乃得方百里為一同也者案匠人方
百里為同同間有澮今言乃得方百里為一同者就匠
人為同解之云積萬井九萬夫者據百里開方而言百
里者縱橫各百一行方一里者百百行故萬井一井有
九夫故有九萬夫云其四千九十六井三萬六千八百
六十四夫出田稅者此據從甸方八里出田稅四甸為
縣縣方十六里四縣為都都方三十二里四都方六十
四里據六十四里之內開方之縱橫各一里一截為六
十四截行別有六十四井六十四行計得四千九十六
井井有九夫四千九十六井計得三萬六千八百六十

四夫是實出田稅者云二千三百四井二萬七百三十
六夫治洹者此據甸方八里旁加一里為成是不出稅
治洹之夫而言之也從四成積為一縣縣方二十里四
縣為都都方四十里四都方八十里開方之縱橫各一
里一截為八十截一行八十井八八六十四為六千四
百井就裏除四千九十六井其餘二千三百四井在井
有九夫二千三百四井為二萬七百三十六夫不出稅
使之治洹也云三千六百井三萬二千四百夫治澮者
此據四成為縣縣方二十里二十里更加五里即為大
夫家邑也縣方二十五里四縣是小都五十里是六卿
之采地四都為方百里一同即為三公王子母弟之大
都也但據百里開方之即為萬井就萬井之內除去六
千四百井其餘三千六百井在井有九夫則為三萬二
千四百夫不出稅使之治澮云井田之法備於一同者
案匠人云井間有溝成間有洹同間有澮是井田之法
備於一同也云今止於都者采地食者皆四之一者解

此四縣為都據小都五十里而言是止於都也以其采地食者皆四分之一稅入天子故云采地食者皆四之一也案上諸男之地亦四之一故云采地食者皆四之一云其制三等者謂家邑小都大都云百里之國凡四都一都之田稅入於王者百里國謂大都也四都謂方五十里者四小都成一大都一都之田稅入王其餘三都留自入云五十里之國謂小都一縣田稅入於王餘三縣留自入云二十五里之國凡四甸一甸之田稅入於王者二十五里之國謂家邑也四甸之中以一甸之稅入於王其餘三甸留自入鄭具言此者欲見四丘為甸是家邑據稅於王者而言四甸為縣是小都亦據一縣稅入於王者而言四縣為都是大都亦據一都稅入於王者而言故鄭云井田之法備於一同今止於都者采地之稅四之一故以此解之云地事謂農牧衡虞也者謂采地之中亦有九職農則三農生九穀牧則藪牧以蕃鳥獸

衡虞則虞衡作山澤之材九職唯言此三者以其經言地事故舉以言之其餘六者略而不言矣云貢謂九穀山澤之材也者此貢還出於農衡地事既無九職則貢中亦無九貢也云賦謂出車徒給繇役也者以其采地之內無口率出錢入天子之法故以賦為軍賦解之若然太宰九賦四曰家稍之賦五曰邦縣之賦六曰邦都之賦者謂三等采地之外皆有公邑公邑之內口率賦錢入於王家但公邑無名故借三等之號以表之故禮雜問志云稍縣都鄙地有公邑之民口率出泉於王也邦國都無口率之賦唯有軍賦革車匹馬士徒而已是也故此鄭引司馬法證之司馬法者齊景公時大夫田穰苴作司馬法至六國時齊威王大夫等追論古法又作司馬法附於穰苴言晦百為夫謂一夫之地方百步夫三為屋屋具也具出穀稅屋三為井者謂九夫為井似井字云井十為通者據一成之內一里一截縱橫各十截為行一行十井十行據一成一畔通頭故名井十

為一通通為匹馬者十井之內井有九夫十井為九十夫之地宮室塗巷三分去一唯有六十夫地在不易一易再易通率三夫受六夫之地三十夫受六十夫之地唯三十家使出馬一匹故云通為匹馬云士一人徒二人三十家出三人士謂甲士徒謂步卒云通十為成成百井三百家革車一乘士十人徒二十人者一成之內有十通言三百家者亦如前通率法一成之內地有九百夫宮室塗巷三分去一不易一易再易通率二而當一故一成唯有三百家革車一乘士十人徒二十人此謂天子畿內采地法鄭注論語道千乘之國亦引司馬法彼是畿外邦國法彼革車一乘甲士三人步卒七十二人甲士少步卒多此士十人徒二十人比畿外甲士多步卒少外內有異故也云十成為終者謂同方百里之內十里一截為縱橫各十截為十行行別十成言十成為終據同一畔終頭而言云終千井者十成成百井故千井三千家革車十乘士百人徒二百人云十終為

同同方百里者謂之為同者取象雷震百里所聞同故名百里為同故云十終為同同方百里萬井也云三萬家革車百乘士千人徒二千人者所計皆如上一成為法其餘可知凡出軍之法先六鄉賦不止次出六遂賦猶不止徵兵於公邑及三等采賦猶不止乃徵兵於諸侯大國三軍次國二軍小國一軍此軍等皆出於鄉遂賦猶不止則諸侯有遍境出之法則千乘之賦是也

乃分地域而辨其守施其職而平其政注分地域謂建邦國造都鄙制鄉遂也辨其

守謂衡虞之屬職謂九職也政稅也政當作征故書域

為邦杜子春云當為域音義

政依注音征

疏

釋曰小司徒佐大司徒主土地

言分地域者謂建邦國之等各有營域遠近疆界辨其守者謂邦國都鄙之內所有山川使衡虞守之故云辨

其守也施其職者謂施民者之職平其政者天下所有
征稅皆均平之注釋曰鄭知分地域謂建邦國造都鄙
制鄉遂者案大司徒職掌天下土地之圖周知人民之
數小司徒佐之明分地域者亦普及天下也是以知分
地域之中有畿外邦國畿內都鄙及六鄉六遂鄭雖不
言公邑地域之中亦含有四等公邑可知云辨其守謂
衡虞之屬者以其山林川澤皆使其地之民守之故其
官川衡林衡山虞澤虞之屬主當云職謂九職者此經
皆論地事故知職是九職任萬民者也云政稅也者以
其經文承九職之下而云平其政者即是平九職之稅
故云政稅也但經云政教之政故云政當作征以為征
字也云故書域為邦杜子春云讀為域者故書云分地
邦非其義意故

凡小祭祀奉牛牲羞其肆注小祭祀王

子春還從域

玄冕所祭音義

肆託疏釋曰大司徒云祀五帝奉牛牲
羞其肆今於小祭祀則小司徒

奉牛牲羞其肆注釋曰案司服職云羣小祀則玄冕彼注云小祭祀林澤百物其於天神亦有小祀則風師雨師之等小祭祀既用牛則王之祭祀無不用牛者案酒正注以六冕差之絺冕所祭亦入小祀中今鄭不言之者以其社稷五祀於祭饌之事入次祀中故宗伯云血祭祀社稷五祀五嶽故於此奉牛牲不言絺冕矣小

賓客令野脩道委積注小賓客諸侯之使臣音義

使所吏反

疏釋曰案大司徒職大賓客令野脩道委積謂五等諸侯來朝者此小賓客諸侯使卿大夫來聘故小司徒

令野脩道委積大司徒注令大軍旅帥其衆庶注帥帥令遺人此雖無注亦與彼同

而致於大司徒疏注釋曰案大司徒職大軍旅以旗致萬民明此大軍旅帥其衆庶者小司

徒於六鄉之內帥其衆庶致與大司徒可知小軍旅巡役治其政令注巡役

小力役之事則巡行之音義行下孟反疏釋曰案大司徒大

其徒庶之政令故此小軍旅巡役小司徒治其政令注

釋曰此經小軍旅謂使臣征伐對大軍旅天子親行此

經巡役文承小軍旅下故知小力役之事

則巡行之若大力役則大司徒巡行之

治其政教注喪役正棺引窆復土音義窆彼驗反劉補

一音疏釋曰云大喪者謂王喪帥邦役者邦國也帥領

服國民謂六鄉衆庶役使之事因即治其政教注

釋曰鄭解經大喪所役不據初死以其初死所役無多

故據葬時而言言正棺者謂若七月而葬朝廟之時正

棺於廟引謂葬時引柩車自廟至壙窆謂下棺於坎天

子六紼四碑背碑挽引而下棺云復土者掘坎之時掘

土向外下棺之後反復此

土以為丘陵故云復土也

凡建邦國立其社稷正其畿

疆之封注畿九畿疏

釋曰言邦國者謂立畿外諸侯邦國立其社稷者諸侯亦有三社三

稷謂國社侯社勝國之社皆有稷配之言立其社稷謂以文書法度與之不可國國身往也正其畿疆者謂九

畿畿上皆有疆界封樹以為阻固也注釋曰案司馬除王畿以外仍有九畿謂侯甸男采衛要以內六服為中

國其外更言夷鎮蕃三服為夷狄王畿四面凡民訟以皆有此九畿相去各五百里故云畿謂九畿

地比正之注鄭司農云以田畔所與比正斷其訟音義

斷丁疏釋曰民訟六鄉之民有爭訟之事是非難辨亂反疏故以地之比鄰知其是非者共正斷其訟

訟以圖正之注地訟爭疆界者圖謂邦國本圖疏

注釋曰言

地訟爭疆界者謂民於疆界之上橫相侵削者也圖謂邦國本圖者凡量地以制邑初封量之時即有地圖在

於官府於後民有訟者則以本圖正之
歲終則攷其屬官之治成而誅賞

注治成治事之計音義

治直吏反注治成及下文同

疏

釋曰歲終者謂周之歲終

建亥之月則考其屬官之治成者屬官謂教官六十成謂計簿正所治計會文書而誅賞者據其考狀有罪則誅責之有功則賞之注釋曰知治成是治事之計者案宰夫職歲計言會月計言要日計言成故知此成是治

事之計也令羣吏正要會而致事疏

釋曰云令羣吏正要會者羣吏謂當職六十官

此亦是歲終之時正要會而致事者上經成據日小成之計此言要會謂是月計歲計總為簿書而致其事之功狀以待考也
正歲則帥其屬而觀教灋之象狗以木鐸曰不

用灋者國有常刑令羣吏憲禁令脩灋糾職以待邦治

注憲表縣之疏釋曰大司徒以正月之吉始和十二教之等正歲建寅之月縣之此小司徒佐

大司徒於正歲縣教象之時率其六十官之屬於雉門之外而觀教灋之象也狗以木鐸已下者謂觀教象之時

恐衆人雜合不聽用其教而狗行振以木鐸使靜聽之告之曰不用灋者國有常刑言此者使人懼而用之

又令羣吏憲禁令者謂禁人使行不為非憲謂表懸之也謂若小宰懸禁令文書使百官用云脩灋糾職者謂

脩其灋制糾察職事以待邦治者以待國家有治則供之注釋曰此憲與布憲之字同彼是表縣刑禁以示人

此憲亦是將以示人故云憲表縣之也 及大比六鄉四郊之吏平教治正

政事攷夫屋及其衆寡六畜兵器以待政令注四郊之

吏吏在四郊之內主民事者夫三為屋屋三為井出地

貢者三三相任疏

釋曰言及大比者亦是三年大校比戶口云六鄉四郊之吏者謂是六鄉

之內比長閭胥已上布列在於四郊云平教治者以其三年大比之時大黜陟之禮故斷其教治文書正政事者復須正直其政事公狀考夫屋者考練其三夫為屋出地貢之時以相保任不得隱誤及其衆寡者謂人民多少六畜兵器者謂民之資生及征伐之器以待政令者以待國家政令所須則供之也注釋曰四郊之吏吏在四郊之內主民事者遠郊之外為六遂內為六鄉六鄉之民非直在城中亦在四郊故比長閭胥六鄉之吏等布在四郊之內主民事者也云夫三為屋屋三為井者鄉遂之內既不為井田而為溝洫之法今云夫三為屋屋三為井者以其溝洫雖為貢出貢之時亦三三相保任以出穀稅故鄭云出地貢者三三相任也一井之內九夫三夫為屋是一屋三夫自相保任故云三三相任據一井而言也似井田之法亦八家耜一夫稅入於

公相保任以
出穀者也

鄉師之職各掌其所治鄉之教而聽其治注聽謂平察

之音義

治直吏反下
六鄉之治同疏釋曰云各掌其所治鄉之教者

三鄉故言各掌其所治鄉之教也云而聽其治者自鄉
大夫以下至伍長各自聽斷其民今鄉師又聽其治者
恐鄉官有濫失審察之
故鄭云聽謂平察之以國比之灋以時稽其夫家衆

寡辨其老幼貴賤廢疾馬牛之物辨其可任者與其施

舍者掌其戒令糾禁聽其獄訟注施舍謂應復免不給

繇役音義

復音
福疏釋曰云以國比之法者案小司徒職
云九比之數以辨其貴賤老幼廢疾

此鄉師以小司徒國比之法云以時稽其夫家衆寡者謂四時稽考其夫家男女衆寡多少云辨其可任者謂上地家七人可任者家三人之等云與其施舍者鄭大云謂應復免不給繇役即上云廢疾老幼者是也

役則帥民徒而至治其政令既役則受州里之役要以攷司空之辟以逆其役事注而至至作部曲也既已也

役要所遣民徒之數辟功作章程逆猶鉤考也鄭司農

云辟法也音義

辟婢亦反

疏

釋曰言大役使

其民鄉師則於當郭等大役使其民鄉師則於當

鄉之內帥民徒而至至謂至作所也云治其政令者於所帥民徒之中政令也云既役則受州里之役要者所役之民出於州里今欲鉤考所作功程須得所遣民徒本數故云既役則受州里之役要役要則役人簿要云

以考司空之辟者辟謂功程司空主役作故將此役要以鉤考司空之功程云以逆其役事者逆則鉤考也鉤考役事者恐有濫失注釋曰云而至至作部曲也者所營作之處皆有部曲分別故云部曲也云辟功作章程者功作之事日日錄其程限謂之章程鄭司農云辟法也考功作章程則是法於義得通故引之在下 凡

邦事令作秩敘注事功力之事秩常也敘猶次也事有

常次則不偏匱音義

偏鄙力反匱其位反

疏

釋曰邦國也凡國家

事也令作秩敘者秩常也功作之處皆出政令使多少有常事有次敘故云令作秩敘注釋曰言事有常次則不偏匱者謂營作之事多少有常事有次敘則民不為偏迫又不匱乏故云不偏匱 大祭祀羞牛

牲共茅菹注杜子春云菹當為菹以茅為菹若葵菹也

鄭大夫讀菹為藉謂祭前藉也易曰藉用白茅无咎玄

謂菹士虞禮所謂苴刈茅長五寸束之者是也祝設于

几東席上命佐食取黍稷祭于苴三取膚祭祭如初此

所以承祭既祭蓋束而去之守祧職云既祭藏其隋是

與音義

菹子都反一音子餘反或云杜側魚反鄭將呂反苴側魚反藉慈夜反下皆同或云此如字下

皆慈夜反苴子都反又將呂反刈音付去羗呂疏釋曰

反祧他彫反隋戚吁恚反劉相恚反與音餘案大司徒職云奉牛牲此又云羞牛牲者鄉師佐大司徒故

此云羞牛牲也云共茅菹者案甸師職共蕭茅彼直共茅與此鄉師鄉師得茅束而切之長五寸立之祭前以藉祭故云茅菹也注釋曰杜子春云菹當為苴以茅為

菹若葵菹者但茅草不堪食故後鄭不從鄭大夫讀菹為藉謂祭前藉此後鄭從之又引易曰藉用白茅无咎者大過初六爻辭引之者證菹為藉之義立謂菹士虞禮所謂苴刳茅長五寸束之者是也引之者欲見其菹為祭之藉此增成鄭大夫之義又云祝設于几東至所以承祭解所以藉祭之意云既祭蓋束而去之并引守祧職者欲見此是祭神之餘不可虛棄必當藏之所藏者即守祧職既祭藏其隋是也言隋者謂祭黍稷三及膚祭如初皆隋減以祭之故名為隋以其無正文故言蓋與以疑之也

大軍旅會同正治

其徒役與其輦輦戮其犯命者注輦駕馬輦人輓行所以載任器也止以為蕃營司馬法曰夏后氏謂輦曰余車殷曰胡奴車周曰輜輦輦一斧一斤一鑿一耜一鋤

周輦加二版二築又曰夏后氏二十人而輦殷十八人

而輦周十五人而輦故書輦作連鄭司農云連讀為輦

音義

輦九玉反輓音疏釋曰云大軍旅者謂王行征伐晚裡里其反云大會同者謂王於國外與諸

侯行時會殷同也云正治其徒役者謂六軍之外別有民徒使役皆出於鄉故鄉師治其徒役云與其輦輦者輦駕馬所以載輜重輦所以載任器亦鄉師治之故云與其輦輦也云戮其犯命者謂徒役之中有犯教命者亦鄉師刑戮之注釋曰知輦是駕馬者以其輦是人輓行故輦是駕馬可知知輦不駕牛者以其牛唯駕大車相車等云所以載任器也者謂任使之器則司馬法所云者是也引司馬法曰夏后氏謂輦曰余車殷曰胡奴車者胡則北狄是也周曰輜輦以其載束輜重云一裡者或解以為插也或解以為鏃也鏃插亦不殊云周輦

加二版二築者築者築杵也謂須築軍壘壁又曰夏后氏二十人而輦以下亦是司馬法文以上說所載任器以下說輦人多少前代寬質無版築輦人多後代狹劣加版築輦人少引之者證周輦即此經輦一也又并見所載大喪用役則帥其民而至遂治之注治謂監督其

事疏

注釋曰言大喪用役謂若喪時輦六引之等鄉之大夫既主鄉民役用鄉民之時鄉師遂治之云治

謂監督者謂監當督察其事

及葬執燹以與匠師御匱而治役注匠

師事官之屬其於司空若鄉師之於司徒也鄉師主役匠師主衆匠共主葬引雜記曰升正樞諸侯執縶五百人四縶皆銜枚司馬執鐸左八人右八人匠人執翹以

御樞天子六引禮依此云鄭司農云翽羽葆幢也爾雅

曰燾翳也以指麾輓樞之役正其行列進退音義

燾桃報反

劉音毒匱音舊縉音弗翽劉音桃戚徒報疏釋曰言及

反羽音雨幢直江反行戶剛反下行列同疏葬者及至

葬引向墻執燾者燾謂葆幢也鄉師執葆幢却行在樞

車之前以與匠師御樞謂在路恐有傾覆故與匠師御

正其樞而治役者亦謂監督役人也注釋曰匠師事官

之屬者以其事官是主工匠之職此官又名匠師故知

匠師事官之屬官也云其於司空若鄉師之於司徒也

者地官之考稱鄉師春官之考稱肆師秋官之考稱士

師唯有天官之考稱宰夫夏官之考稱軍司馬自外皆

稱師此經鄉師是司徒考明匠師亦是司空考故云其

於司空若鄉師之於司徒案天官注冬官亡未聞其考

此云匠師冬官考者彼據冬官亡故云未聞其考此據

匠師與鄉師相對以義約之故云匠師冬官考也云鄉師主役匠師主衆匠共主葬引者冬官亡雖無文以其主匠即知共葬也雜記曰升正柩者案彼注謂將葬朝於祖正棺於廟云諸侯執紼五百人鄭彼注云一黨之民云四紼皆銜枚者謂引之時銜枚所以止譴囂云執鐸左八人右八人者謂夾柩車匠師執翹羽葆幢此諸侯之禮引之者以天子無文引以况天子之法案彼鄭注天子千人與言執翹羽葆幢者彼文唯有執翹無羽葆幢之言今云羽葆幢者鄭因釋翹是羽葆幢又引爾雅曰纛翳也以指麾輓柩之役正其行列進退者天子六紼千人輓之執翹者柩車恐傾側執翹以指麾輓柩之役人役人治喪者使柩車令不傾側又千人輓柩以持六紼恐行列進退失所皆以翹指麾之故云正其行列進退也雜記諸侯禮匠師執翹此天子禮鄉師執翹尊卑不及窆執斧以涖匠師注匠師主豐碑之事執斧同也

以涖之使戒其事故書涖作立鄭司農云窆謂葬下棺

也春秋傳曰日中而塤禮記所謂封者立讀為涖涖謂

臨視也音義

塤補鄧反疏釋曰及至也窆是下棺也至封彼驗反塤下棺之時鄉師執斧以涖

匠師匠師主衆匠恐下棺不得所須有用斧之事故執斧以臨視之注釋曰云匠師主豐碑之事者案檀弓云

公室視豐碑三家視桓楹鄭彼注天子斲大木為之豐大也天子六綽四碑前後各一碑各重鹿盧兩畔各一

碑皆單鹿盧天子千人分置於六紼皆背碑負引擊鼓以為縱舍之節匠師主當之故云匠師主豐碑之事也

云執斧以涖之使戒其事者鄉師執斧以臨之者恐匠師不戒其事須有用斧之處故執斧助之使匠師戒其

事又云故書涖作立者於義無取後鄭讀還從涖司農云窆謂葬下棺也者三禮及諸文但言窆者皆是下棺

故引春秋傳也案左氏昭十二年三月鄭簡公卒將葬
司墓之室有當道者毀之則朝而塋弗毀則日中而塋
子太叔請毀之子產遂不毀日中而葬又引禮記所謂
封者案王制庶人縣封而葬喪大記亦云以鼓封皆為
封字塋封及此經窆字雖異皆是下棺之事凡四時之
云立讀為涖涖謂臨視也者謂臨視匠師也

田前期出田灋于州里簡其鼓鐸旗物兵器脩其卒伍

注田法人徒及所當有疏

釋曰言四時之田者謂春蒐夏苗等凡田獵人徒等皆出

於州里故未田獵之前須鼓鐸旗物之器故預簡閱云
脩其卒伍者謂百人為卒五人為伍皆須脩治預為配
當注釋曰云人徒者即經卒伍是也及
所當有者則經鼓鐸旗物兵器是也

大旗致衆庶而陳之以旗物辨鄉邑而治其政令刑禁

巡其前後之屯而戮其犯命者斷其爭禽之訟注司徒致衆庶者以熊虎之旗此又以之明為司徒致之大夫致衆當以鳥隼之旗陳之以旗物以表正其行列辨別異也故書巡作述屯或為臀鄭大夫讀屯為課殿杜子春讀為在後曰殿謂前後屯兵也玄謂前後屯車徒異

部也今書多為屯從屯音義

斷丁亂反明為于偽反下為州長為鄉大夫為州黨

同隼雖允反撫音餘別疏釋曰云及期謂至田獵之期彼列反殿都遍反下同疏釋曰云以司徒之大旗致衆庶者鄉師為司徒致衆庶故還用司徒之大旗言致衆庶者謂植旗期民於其下云而陳之以旗物者陳列衆庶

之時亦植旗於行首云辨鄉邑者田獵之時非直有六鄉之衆亦有公邑之民分別之云而治其政令刑禁者鄉師治其民庶政令及刑禁等云巡其前後之屯者謂兵衆屯聚各有車徒各於前後而巡行之而戮其犯命者但其爭禽之訟者田獵得大獸公之小禽私之有爭禽之訟鄉師斷之注釋曰云司徒致衆庶者以熊虎之旗者司常職云熊虎為旗此經云司徒大旗故知司徒自致衆庶以熊虎為旗也云此又以之明為司徒致之者此鄉師也經云司徒大旗明用司徒大旗故知為司徒致之也云大夫致衆當以鳥隼之旗者案司常陳九旗之次云日月為常交龍為旂通帛為旌雜帛為物熊虎為旗鳥隼為旗又云孤卿建旌大夫士建物大司徒既是卿官尋常建旌在軍建熊虎鄉師既是大夫官尋常建物在旌下明在軍當以鳥隼之旗在熊虎下可知云鄭大夫讀屯為課殿者未知鄭大夫所讀更出何文或

謂當時俗有課殿之語故讀從之云杜子春讀為在後
曰殿者謂軍在前曰啓在後曰殿云謂前後屯兵也者
屯兵則是殿兵也玄謂前後屯車徒異部也者謂大司
馬云險野人為主易野車為主是車徒異部也云今書
多為屯從屯者謂故書之內為殿凡四時之徵令有常
者少為屯者多以多言之宜從屯

者以木鐸狗於市朝注徵令有常者謂田狩及正月命
脩封疆二月命雷且發聲音義

朝直遙疏釋曰云凡四
反下同時徵令有常

者鄉師各於其鄉內以木鐸警戒巡於市朝使民知之
注釋曰徵令有常者謂田狩春蒐夏苗秋獮冬狩四時
田獵獨言狩者略舉冬言之云及正月命脩封疆者案
月令孟春之月命脩封疆謂田之界分也云二月命雷
且發聲者案月令仲春之月先雷三日奮木鐸以令兆
民曰雷將發聲有不戒其容止者生子不備必有凶災

言此等政令皆有常時故引之以證徵令有常者也

以歲時巡國及野而賙萬民之難阨以王命施惠注歲時者隨其事之時不必四時

也難阨饑乏也鄭司農云賙讀為周急之周音義

難古艱字

本亦疏釋曰以歲之困阨之時鄉師巡於國及至野外作艱賙給萬民之有難阨者云以王命施惠者言於

其時以王命施布恩惠於下民也注釋曰言歲時者隨其事之時不必四時也者鄭知不是四時者以其難阨

是非常之事故不得為四時解之鄭司農云賙歲終則讀為周急之周者讀從論語周急不繼富之周

攷六鄉之治以詔廢置疏釋曰云歲終者謂周之季冬云則攷六鄉之治者謂鄉師

責其治政文書考其功過云以詔廢置者有功則置之有過則廢之詔告也告王與冢宰廢置之

正歲

稽其鄉器比共吉凶二服閭共祭器族共喪器黨共射器州共賓器鄉共吉凶禮樂之器注吉服者祭服也凶服者弔服也比長主集為之祭器者簠簋鼎俎之屬閭胥主集為之喪器者夷槃素俎楛豆軋軸之屬族師主集為之此三者民所以相共也射器者弓矢楅中之屬黨正主集為之為州長或時射於此黨也賓器者尊俎笙瑟之屬州長主集為之為鄉大夫或時賓賢能於此州也吉器若閭祭器者也凶器若族喪器者也禮樂之

器若州黨賓射之器者鄉大夫備集此四者為州黨族

閭有故而不可共也此鄉器者旁使相共則民無廢事上

下相補則禮行而教成音義

音揭苦瞎反軼九勇反軸音逐福音福又音逼

疏

釋曰正歲稽鄉器者此一句與下為總目正歲謂建寅之月稽考也鄉師各自考校當鄉之器服云比共吉凶

二服者五家為比比長一人主集合五家相共吉凶二服云閭共祭器者二十五家為閭閭胥一人主集合祭

器使相共云族共喪器者百家為族族師一人主集合喪器使相共云黨共射器者五百家為黨黨正一人主

集合射器以共州長之射云州共賓器者二千五百家為州州長一人主集合賓器以共鄉大夫行鄉飲酒之

禮云鄉共吉凶禮樂之器者萬二千五百家為鄉鄉大夫主集此四器恐州黨已下有故不能自共即旁相共

也注釋曰云吉服者祭服也者當比內無祭事其於族祭饋黨祭崇州祭社之等無過用朝服又知凶服是弔服者若人衰裳是常服主人自共其弔服是暫服可以相共故知是弔服其庶人弔服無過素冠與深衣而已云比長主集為之者雖五家之內亦當有官首若非比長主集民不自課故知比長主集為之云祭器者簋簠者案特牲同姓用簋少牢皆用敦同姓者乃用簋今言簋者况義耳云喪器者夷槃者案喪大記士併瓦盤大夫乃用夷槃今庶人實不得用夷槃引之者以况喪器非謂庶人得用夷槃也云素俎楛豆者案士喪禮小斂有素俎大斂有楛豆兩籩無勝此不言籩無勝者文略也云軼軸之屬者案既夕禮士朝廟用軼軸以載柩此庶人無軼軸引之者亦以况義知非族內有大夫士得用夷槃軼軸者以其大夫自有祿位不在共限故知引以况義不言棺槨亦主人自共之也故閭師云不樹者無槨此三者竝是罰物所為知者案戴師職云宅不樹者

者有里布田不耕者有屋粟鄭玄云罰之以共吉凶二服及喪器鄭不云祭器文略有祭器可知鄭知必用罰物不用官物為之者以其不為官事明不用官物可知云射器者弓矢福中之屬者案鄉射大射皆云執長弓挾乘矢福在庭中射訖命弟子取矢置于福以八算置于中士則鹿中之等是也云之屬者之屬中容有侯乏等云為州長或時射于此黨也者一州管五黨州長春秋二時射於序學要在一黨之中故云或時射於此黨又云賓器者尊俎笙瑟之屬者案鄉飲酒三年貢士之時行飲酒之禮即有酒尊俎實二人鼓瑟在堂笙入在於堂下故言尊俎笙瑟言之屬者更有籩豆之等云為鄉大夫或時賓賢能於此州也者一鄉管五州鄉大夫行鄉飲酒之時必在一州之內此州則共之故云或時賓賢能於此州也云吉器若閭祭器者也凶器若族喪器者也者以其鄉大夫備集此四器恐閭族已下有故不得自共故知還是閭族黨州所當共者也故云吉器

若閭祭器者也凶器若族喪器者也云禮樂之器若州黨賓射之器者連州黨并言之者以其州黨射器賓器二者皆有禮器樂器故州黨并言之自射器已下皆為國行禮得官物所為不出民物故酒正云凡為公酒者亦如之注云謂鄉射飲酒以公事作酒者亦以式法及酒材授之使自釀之酒材尚得公物明此器等亦出官物可知以其為官行禮故也云上下相補者自比共吉凶二服至州共賓器已上是下之相補鄉共吉凶禮樂之器者是上之相補故云上下相補云禮行而教成者庶民乏於財物闕於禮義教化不成今以器服共之即禮行而

教成也若國大比則攷教察辭稽器展事以詔誅賞注考教視賢能以知道藝與不察辭視吏言事知其情實

不展猶整具疏

釋曰若國大比者謂三年大比之時則鄉師考教學之官知其道藝進不云察

辭者視官中之吏辭之虛實云稽噐者謂考鄉中禮樂兵器之等云展事者謂行事展省視之知其善惡詔告之在上善者賞之惡者誅之

鄉大夫之職各掌其鄉之政教禁令注鄭司農云萬二

千五百家為鄉疏

釋曰六鄉大夫各掌其鄉之政令及十二教與五禁號令皆掌之注釋曰

案上文五州為鄉故知萬二千五百家為鄉

正月之吉受教灋于司徒退而

頒之于其鄉使各以教其所治以攷其德行察其道

藝注其鄉吏州長以下音義

治直吏反下考治下治所治處同行下孟反下及注

德行之行疏

釋曰言正月之吉者謂建子之月月朔之六行皆同日云受灋於司徒者謂若大司徒職十二

教已下其灋皆受於司徒而來云退而頒之于其鄉吏者謂已於司徒受得教灋遂分與州長已下至比長云使各以教其所治者亦謂州長已下至比長各教所治也云攷其德行者謂鄉大夫以鄉三物教萬民遂考校其萬民有六德六行之賢者云察其道藝者謂萬民之中有六藝者竝擬賓之注釋曰以其比長以上至州長皆屬鄉大夫故知鄉吏州長以下至比長

以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書注登成也定也國中城郭中也晚賦稅而早免之以其所居復多役少野早賦稅而晚

免之以其復少役多鄭司農云征之者給公上事也舍者謂有復除舍不收役事也貴者謂若今宗室及關內侯皆復也服公事者謂若今吏有復除也老者謂若今八十九十復羨卒也疾者謂若今廢不可事者復之立

謂入其書者言於大司徒音義

復音福下同

疏

釋曰云以歲時者謂歲之

四時登猶成也定也夫家謂男女謂四時成定其男女多少云辨其可任者謂分辨其可任使者云國中自七尺以及六十者七尺謂年二十知者案韓詩外傳二十行役與此國中七尺同則知七尺謂年二十云野自六尺以及六十有五者六尺謂年十五故論語云可以託六尺之孤鄭注云六尺之孤年十五已下彼六尺亦謂

十五鄭言已下者正謂十四已下亦可以寄託非謂六尺可通十四已下鄭必知六尺年十五者以其國中七尺為二十對六十野云六尺對六十五晚校五年明知六尺與七尺早校五年故以六尺為十五也云皆征之者所征稅者謂築作挽引道渠之役及口率出錢若田獵五十則免是以祭義云五十不為甸徒若征伐六十乃免是以王制云六十不與服戎彼二者竝不辨國中及野外之別云其舍者謂不給繇役則國中貴者已下是也云以歲時入其書者此上所云皆歲之四時具作文書入於大司徒故云歲時入其書也注釋曰云登成也定也者以其夫家衆寡若不作文書則多少齒歲不定若作文書多少成定故云登成也定也云國中城郭中也者以其對野故知國中是城郭中也云晚賦稅而早免之者以其經云七尺及六十對野中六尺至六十

五是其晚賦稅而早免之云以其所居復多役少者以此經云國中貴者至疾者皆舍據國中而言是其國中

復多役少也鄭司農云四事皆若今者竝舉漢法况之
玄謂入其書者言於大司徒知者以其上云受法於司
徒故知入其書
者言於大司徒
三年則大比攷其德行道藝而興賢者

能者鄉老及鄉大夫帥其吏與其衆寡以禮禮賓之注

賢者有德行者能者有道藝者衆寡謂鄉人之善者無

多少也鄭司農云興賢者謂若今舉孝廉興能者謂若

今舉茂才賓敬也敬所舉賢者能者玄謂變舉言興者

謂合衆而尊寵之以鄉飲酒之禮禮而賓之疏
釋曰三年一閏

天道小成則大案比當鄉之內云考其德行道藝者德
行謂六德六行道藝謂六藝云而興賢者則德行之人

也能者則道藝之人也云鄉老及鄉大夫帥其吏者謂州長以下云與其衆寡者謂鄉中有賢者皆集在庠學云以禮禮賓之者以用也用鄉飲酒之禮以禮賢者能者賓客舉之注釋曰云賢者有德行者欲見賢與德行為一在身為德施之為行內外兼備即為賢者也云能者有道藝者鄭亦見道藝與能為一上注云能者政令行其身有道藝則政教可行是能者也云衆寡謂鄉人之善者無多少也者案鄉飲酒堂上堂下皆有衆賓不言其數此經衆寡兩言無問多少皆來觀禮故云無多少也鄭司農云若今舉孝廉及茂才者孝悌廉潔人之德行故以孝廉况賢者茂才則秀才也才人之技藝故以况能者也玄謂變舉言興者案禮記文王世子云或以事舉或以言揚故今貢人皆稱舉今變舉言興云謂合衆而尊寵之者合衆即此經云鄉老及鄉大夫已下是也云鄉飲酒之禮者則儀

厥明鄉老及鄉大夫羣吏

獻賢能之書于王王再拜受之登于天府內史貳之注

厥其也其賓之明日也獻猶進也王拜受之重得賢者

王上其書於天府天府掌祖廟之寶藏者內史副寫其

書者當詔王爵祿之時音義

上時掌反
藏才浪反

疏

釋曰厥明者
謂今日行鄉

飲酒之禮也至其明日表奏於王注釋曰云天府掌祖廟之寶藏者是春官天府職文也引之者欲見天府掌寶物賢能之書亦是寶物故藏於天府云內史副寫其書者貳副也內史副寫一通文書擬授爵祿案內史職有策命諸侯羣臣之事故使內史貳之退而以鄉射之禮五物詢衆庶一

曰和二曰容三曰主皮四曰和容五曰興舞注以用也

行鄉射之禮而以五物詢於衆民鄭司農云詢謀也問於衆庶寧復有賢能者和謂閨門之內行也容謂容貌也主皮謂善射射所以觀士也故書舞為無杜子春讀和容為和頌謂能為樂也無讀為舞謂能為六舞玄謂和載六德容包六行也庶民無射禮因田獵分禽則有主皮主皮者張皮射之無侯也主皮和容與舞則六藝之射與禮樂與當射之時民必觀焉因詢之也孔子射於矍相之圃蓋觀者如堵牆射至於司馬使子路執弓

矢出誓射者又使公罔之裘序點揚解而語詢衆庶之

儀若是乎音義

復扶又反下猶復同射食亦反與音餘
矍俱縛反本或作矍音同相息亮反堵

丁古反解疏釋曰言退者謂獻賢能之書於王退來鄉
支鼓反內云以鄉射之禮者州長春秋二時習射

於序名為鄉射今鄉大夫還用此鄉射之禮云五物詢
衆庶者物事也一曰二曰已下是也注釋曰行鄉射之

禮者案今儀禮鄉射云豫則鉤楹內堂則由楹外又云
序則物當棟堂則物當楹堂謂鄉學據鄉大夫所行射

禮也豫謂州長春秋二時習射於序司農云和謂閨門
之內行也者以其父子主和故和謂閨門之內行也云

容謂容貌也者以其容是容儀故知容貌也後鄭不從
此義杜子春讀和容為和頌謂能為樂也者興舞即舞

樂今又以和容謂能為樂故後鄭亦不從立謂和載六
德容包六行也者破司農子春之義案大司徒以鄉三

物教萬民教成則興之明此詢者還是三物之內不是
三物之外別有和容又且主皮興舞是六藝之內明此
和容是六德六行之中在下謂之載和在六德之下故
云和載六德云容包六行者在上謂之包容則孝也孝
在六行之上故云容包六行必知容得為孝者案漢書
高堂生善為容容則禮也善為孝者必合於禮之容儀
故以孝為容者也云庶民無射禮者天子至士有大射
燕射賓射之等庶人則無此射禮故云無射禮也云因
田獵分禽則有主皮者案大司馬職大獸公之小禽私
之者至舍更與在田之人射則取之則有主皮云主皮
者張皮射之無侯也者自士已上張皮侯采侯獸侯庶
人主射此皮故云主皮無侯也云主皮和容興舞則六
藝之射與禮樂與者以此三者當之故以主皮當射和
容當禮興舞當樂若然三物之中其事一十有八今六
德之中唯問和六行之中唯問容六藝之中唯問禮樂
獨問此者既貢賢於王其餘則未能盡備故略舉五者

以問之六德是其大者故問下之和者六行是其小者
故問上之孝者也六藝之中禮以安上治民樂以移風
易俗男子生設弧於門左射則是男子之事此皆人行
之急故特言之自餘略而不說又云當射之時民必觀
焉因詢之也者案鄉射記唯君有射于國中其餘則否
注云臣不習武事於君側以其鄉射在城外衆庶皆觀
焉故得詢此五物云孔子射於矍相之圃已下者此是
禮記射義文天子諸侯射先行燕禮卿大夫士射先行
鄉飲酒之禮時孔子為鄉大夫鄉射之禮先行飲酒禮
故云孔子射於矍相之圃矍相地名以其臣不得在國
射故射於矍相之圃蓋觀者如堵牆者以其鄉內衆庶
皆集在射所故云觀者如堵牆云射至於司馬者以其
飲酒之禮必立司正於將射變司正為司馬也案鄉射
大射司射執弓矢今此云子路執弓矢則子路為司射
也云子路出誓者以其衆庶多不可盡與之射故誓去
之云又使公罔之衰序點揚觶而語者案鄉飲酒之禮

一人舉觶為旅酬始二人舉觶為無算爵始射在無算爵前今誓在無算爵後者但射實在無算爵前今未射之前用此無算爵禮二人舉觶之法以誓衆庶耳非謂此射在無算爵後云詢衆庶之儀若是乎者孔子為諸侯鄉大夫此經是天子鄉大夫引彼以證此故云乎以疑之 此謂使民興賢出使長

之使民興能入使治之注言是乃所謂使民自舉賢者因出之而使之長民教以德行道藝於外也使民自舉能者因入之而使之治民之貢賦田役之事於內也言為政以順民為本也書曰天聰明自我民聰明天明威自我民明威老子曰聖人無常心以百姓心為心如

則古今未有遺民而可為治疏

釋曰言此謂使民興賢者謂上經賓舉者皆民

中舉之還使治民故云此謂使民興賢出使長之謂使鄉外與民為君長云使民興能入使治之者謂能者復來入鄉中治民之貢賦注釋曰云使民自舉賢者因出之而使之長民教以德行道藝於外也者以賢者德大故遣出外或為都鄙之主或諸侯皆可也以其自有德行道藝故還使之教民以德行道藝云使民自舉能者因入之而使之治民之貢賦田役之事於內也者以其能者德小不可以為大夫諸侯等故還入鄉中量德大小以為比長鄰長已上之官治民之貢賦田役於內也云言為政以順民為本也者禮記云上酌民言則天下上施上不酌民言則下不天上施故言為政以順民為本也書曰天聰明已下是尚書咎繇篇之文也自用也言天雖聰明視聽既遠不自用已之聰明用民之聰明民之歸者則授之以天位謂若湯武是也天明威自我

民明威者威畏也天雖明察可畏不自用己之明威用我民明威民所叛者則討之謂若桀紂是也云老子曰聖人無常心以百姓心為心者但聖人形如枯木心若死灰空洞無我故無常心以百姓之心為心引之者證順民為本之意云如是則古今未有遺民而可為治者天聰明是古老子與此文為今皆順民為治故云古今未有遺民而

歲終則令六鄉之吏皆會政致事注會計

也致事言其歲盡文書疏

釋曰年終將考其得失則令六鄉之吏州長之官皆計會

教政之功狀致其所掌之事於鄉大夫鄉大夫得之致與大司徒然後考之

正歲令羣吏攷

灋于司徒以退各憲之於其所治疏

釋曰正歲建寅之月鄉大夫令州長

已下羣吏令使考灋於司徒攷謂受而考量行之故云以退各憲之於其所治憲者表縣之也

大詢于

衆庶則各帥其鄉之衆寡而致於朝注大詢者詢國危

詢國遷詢立君鄭司農云大詢于衆庶洪範所謂謀及

庶民疏

釋曰國有大事必順於民心故與衆庶詢謀則六鄉大夫各帥其鄉之衆寡而致於朝謂外朝

三槐九棘之所共詢謀之注釋曰知大詢詢國危詢國遷詢立君者案小司寇職云掌外朝之政以致萬民而

詢焉一曰詢國危二曰詢國遷三曰詢立君此經云大詢于衆庶而致于朝故知大詢者詢國危之等也此三者皆是國之大事故稱大詢小司寇雖不云大太卜云大貞即此詢國危之等也鄭司農云大詢于衆庶引洪範所謂謀及庶民者彼謀及庶民即大詢於衆庶一也故引為證 國有大故則令民各

守其閭以待政令注使民皆聚於閭胥所治處疏

釋曰大故

謂災變寇戎之等警急須人故鄉大夫令州長已下使
民各守其閭胥所治處以待國之政令注釋曰二十五
家為閭中士為閭胥則以旌節輔令則達之注民雖以
有治政之處以聚其民

徵令行其將之者無節則不得通疏

釋曰國有大事故
恐有姦寇故使民

徵令出入來往皆須得旌節輔此徵令文書乃得通達
使過故鄭云民雖以徵令行其將之者無節則不得通

周禮注疏卷十一

周禮注疏卷十一考證

小司徒之職疏黨祭禋族祭酺○監本禋訛宗酺訛步
今俱考經文改正

凡用衆庶疏又聽斷其賞罰○經文云聽其辭訟施其
賞罰此處疑有脫字

乃經土地而井牧其田野注甸之言乘也讀如衷甸之
甸○臣浩按朱子曰甸乘古人原是一音如陳之後
為田姓是也可以相證

疏公邑無名故借三等之號以表之○借監本作糞查字書無糞字今改正

凡民訟以地比正之○此節疏各本錯在下節今依經文之次訂正

鄉師之職及期以司徒之大旗致衆庶疏鄉師既是大夫官○監本鄉訛鄉又脫師字今改正

正歲稽其鄉器疏無過用朝服○朝當作祭

又士則鹿中之等○士監本訛作上今據鄉射禮文

士則鹿中改正

鄉大夫之職三年則大比注元謂變舉言興者○言監
本訛作賢今改正

退而以鄉射之禮疏鄉大夫士射先行鄉飲酒之禮○
卿監本訛鄉今攷射義文正之

正歲令羣吏攷灋于司徒以退各憲之於其所治○
臣

人龍
按各本所治下俱有之國二字蓋由石經誤衍

一之字後人寫刻以石經為定本遂割下節國大詢

于衆庶之國字以從之而不覺反為所誤也今見石
刻之國二字刊缺監本直去此二字而下節之首未
增國字但作大詢於衆庶亦誤也


疏一曰詢國危二曰詢國遷三曰詢立君○曰詢國
遷二句監本訛作以安庶民四字今據小司寇職文
訂正

周禮注疏卷十一考證

謹案第四頁後一行五卒為旅刊本旅訛族今改
第十四頁後三行疏口率出錢刊本率訛賦據遂
師注改

第十七頁前三行疏故知小力役之事則巡行之
若大力役則大司徒巡行之刊本二力字並訛
功據鄭注改





覆校官編修臣劉種之

校對官修撰臣張書勳

謄錄監生臣丁芳炎